

緣督廬日記抄

緣督廬日記抄卷十三

丁未至己未三月

長洲葉昌熾著

邑後學王季烈校

丁未正月

初一日作七律一首

初三日午後作七律一首元旦詩就正銅井

初四日作駕六太夫人輓聯

慈儉高風教子教孫家塾詩編供伏案
嘉平良月成德成

佛都亭饘粥荷旌閭

初五日作七律三首以前兩首函寄銅井

初六日作七律八首大半得於枕上

初七日作七律二首

初八日作七律二首枕上詩思汨汨其來又得兩首三日內共

成十四律

室人習北方風土南歸後鬱鬱不樂詩以諷之再疊前韵
畫圖未敢企真靈十載長安作客星歌炭爐餘熏欲醉驪綱
雨後漲成瀉貂狐不暖何青鼠蚊蚋如雷更白鶴山物下無
以爲私刻於通德否牛衣垂涕日遠山嵐損鏡中形

簫鼓登臺有散場達生主況悟蒙莊未妨高隱偕桓孟但愧
才名後駱王書可委懷追靖節易將嘉遜筮京房殘年儻許
桑榆補共學蟲飛月出光

五疊前韵效黃哀海語

天府倫教與伯靈地球終古一行星三神島外浮於地五大
洋中涉似瀟雅格但聞形似虎先令何不寫以鵠六書祇有
鰌聲字奚取法羅石轉形

新出名詞孰擅場莊夫子後諱言莊

後胡服人

桑田盡見無龍

伯慈嶺環游到象王使者乘槎張博望仙乎縮地費長房談
瀛惟有齊騶子暗室燈開千古光

初九日聞沈旭初觀察七十壽撰楹帖一聯為祝

車下負書迎喬梓輝媽蘭綺四翔衣繡日

尊前撰杖祝椿

萱稌壽椒觴喜值上銓宵

十一日兩日共作七律十首

十二日作七律二首

十四日一僕病歸一僕為室人飭赴城中餽春盤一身兼作僕
悶極無聊復成七律四首痛錫兩韵搜索枯腸黔驢之技窮
矣

十六日又作七律四首兩首疊青陽韵真成強弩之末兩首詠

節物

十七日銅井來久談而去並攜示南田四清圖畫扇四清者蘭竹松石也又尺牘二十通始於祝京兆黃石齋終於孫淵如以釋令釋及趙秋谷兩札為最精

十八日雇舟進城

十九日訪佩鶴知昨以和詩四首分兩函寄讀急欲先觀即索索觀之推獎踰分不敢當也

廿一日作七律二首

廿二日鄉紳攜贈張滄齋先生筠心堂存稿四冊先生名孝時世廟時由庶常改官藥城令仕至甯州牧先祖母張太恭人之四世族祖也此集為六世孫小林所刻小林名振家與余為中表昆季曾以一部見貽往來京隴遺失今從鄉紳索

得之謁邵亭師見於起居之一斗室骨董家徐翰卿亦在座
素有宋拓禮器碑兩本一為師舊藏一為端午帥寄貽拓手
墨光在伯仲間又見王井叔評本唐韋柳王孟四家詩徐積
餘觀察自儀棧差次來贈新刻小園藥室閑秀詞八集十六
冊又說詞紀勝一冊續方言又補續後漢書儒林傳補佚南
陵縣建置沿革表合一冊皆其所輯述也叔彥贈孝經六藝
大道錄一冊經學通義閻宗一冊

廿三日雇舟下瀆

廿六日室人不樂居鄉煩憂齒痛無可排遣今日挈之至光福
探梅天氣鬱蒸知有大雨然船已雇定不便退縮即於午後
解維隨帶男女僕各一十二里至善人橋沿穹窿山岸前進
雨腳已斜飛而至又十餘里望見虎山塔村人賽社正於塔

下搭臺演劇人頭如蟻塔下有橋三竇自此出西崦又進一小港泊舟一仁堂門口堂中主人馮小卿其父芾卿三十年前故友也登岸往訪之又見司事徐二梅適從酒家歸醉態陶然力挽餐宿告以挈眷在舟但求主僕兩榻地晚餐後再登岸大風驟起繼以陣雷電掣金蛇大雨傾盆而下再接再厲半夜後始稍息諺云驚蟄聞雷米似泥或者豐稷之兆乎舟中無事作七律四首疊韵謝佩鶴前輩見和之作

附佩鶴原作

鶴書歸謝草堂靈好借谿山駐客星梅驛達懷芳訊滯去年之開互致以郵簡然為一城蘭棧近阻凍漸瀟烟霞招隱儕麋鹿風雨論交感鶴鶴時銅井有鶴原之咸余相約歲寒能結社山林城市且忘形

阿瑛才調擅詞場補銅知已傾襟擬惠莊畫幃重題石谷子

畫為銅井題張茶農臨石谷子之句石公郎祠合拜水仙王補石

經幢天監尋琳字祕牒靈威出玉房咫尺滄江畫舫應看

虹月架奇光

賦罷凌雲侍景靈出關來傳識文星歸從西徽邊塵遠夢冷

東華積淖滑起綢緞久官况浮湛齊塞馬交情急難比

原鵠補鞭子圖書金石千秋業不似山林枯槁形

懶逐千金裘馬場藍田別業啟山莊兩家同巷西頭屋萬春

專城南面王書帶近尋高密里補馬經幢間敞辟支房部

憐皋廡羈樓客敢向平泉附寵光補未詩詢及孫

廿七日大霧已初起猶未散室人先雇筍輿至巢隱先生舊第

訪香樹夫人話舊又至大寺禮銅觀音真辨香而歸飯後從

一僕同入山先由田隴小道至司徒廟觀清奇古怪四柏黛
色參天蒼蒼如舊惟第四株為大風吹折中劈為兩僧寮顏
圯壁間詩亦無可蹤跡慨然久之即沿鄧尉山至元墓梅花
已在盛放之後又經雷雨落英狼藉枝頭所綴無幾游聖恩
寺登蓮元閣望太湖如在案下米堆漁洋諸山朗若列眉知
客僧智如出迓香積素餐咄嗟立辨適有他客索觀周郝龍
鐘及五十三參畫象皆鎮山之帶也亦摩挲久之再由大宗
堂至開山漢月和尚塔頂禮塔前肖遺象科頭而坐壁間有
董文敏碑方丈僧號鑒亭臨別始出一緝張生叔朋偕三四
友自城來遇諸塗下與立談由峙嶺歸嶺脊小憩入一小
剝瞻眺無僧出迓階下有碑額題贈工部尚書王公神道碑
銘碑徧尋不獲登舟北風甚勁天又陰晦卧後又雷雨

廿八日雨如絲風如翦湖光山色如烟熏畫塔在若有若無間
雨不遠矣乘興而來興盡而返來時由虎山橋出下崦今回
舟從市河入上崦泊善人橋午飯已兩下鐘矣登岸間連由
上塘繞至下塘閱鎮一周即放棹又一時許始抵濱

二月

初一日作七律四首

初二日作五古一首

初三日作五古一首

初六日得答佩鶴書寄和兩律

初八日作七律二首答佩鶴

附佩鶴原作

緣聚同年卜築香溪鹿門偕隱早春有約仙春相攜續雪

巖之近游問鄧尉之芳訊涼霰微集好酬詠絮之屬香風
暗吹未負探梅之興歸舟紀詠附驂傳書白雪詞高綠波
意遠敢希郢曲聯學吳歊勉和二章藉呈雙槩

羅浮縞袂訪山靈玉戲連朝賦聚星乳泛茶甌和雪煮凍黏
蠟屐帶泥滴寒香消息猜烟蝶雅疏商量釋鴈鶴瓊島歸攜
采芝伴不須五嶽佩真形

漫擬如皋射雉場清游同訪白雲莊迎來仙侶藐姑射禱罷
湖神順濟王洞東坡詩風事見拜德洪疏煙屨衝寒經石壁冰淞散

纈綴花房孤山轉笑梅花冷紙間詩成對益光

初十日閏申報獎山方伯與吉帥齟齬交章互訐有 旨交錫
清帥查辦覆奏獎山辦理糧務百計取盈兵民交怨平日居
官亦多專恣 嚴旨革職得藝風函寄到蒞子範師備文事

寶冊一本蓋前此奏請從祀右官以身故未及三十年經部議駁今年例已合故欲重申前請禮卿之意也自光福歸作詩紀游夜輒於枕上構思今日始脫素共成六首

十三日作七律二首

十四日進城至仲侯處下榻

十五日星臺摘伯南手書並靈巖志略一冊來太倉州知州王錫編輯得佩鶴書又疊青陽韵兩律見貽

十六日外祖母明日領帖後日舉喪今日延佩鶴題主相緣裏題其一以不佞承乏未刻禮成即於晚間請司喪衰病不堪酬酢先歸寓中丞本未許因卽亭師言知為不佞外家餽一幃卽師亦購聯幃其下聯云不獨孫曾繞膝更看宅相有儒珍推屋烏之愛且媿且訝既而知亦繁若所運動也

十九日謁邵師在上房久談手顫足痿並患頻數自言非佳兆
作章式之太夫人輓對一聯錄於後

韋帳極書文史校讎兩通義 瀧岡所表工容言德四徽猷
二十日曲園師以臨終自喜詩四首七律留別詩七 范十首代
訃詩外有哀啓有親友公啓又以一刺辭行領帖發引皆不
書日留別詩一家人二諸親友三門下諸君子四曲園五俞
樓六所讀書七所著書八文房四友九此世最奇者十為俞
樾此老真能觀空矣

廿三日雇舟返濱抵岸銅井來談約明日為天平之游允之得
佩鶴函寄示七律二首以篆文偏旁反正如一之字集成云
仿章吉士板之體其實校邵師為先河也

廿四日昨訂游山午正赴約同游惟銅井父子無他客先至天

平山從前到此即不登絕頂亦必至上白雲而後下今賓主
皆老病無濟勝具僅至鉢盂泉自攜有酒飯於山間銅井攜
示蔡君謨行書七古一首非真蹟也何小山篆文引首後附
常熟孫芭溪太守水墨山水三幀每幀有湖田外史吳竹橋
題詩芭溪名鎬曾任潞安府孫子滿之父張子和之婦翁兩
君皆有跋子和名愛愛日精廬之主人也又沈石田水墨四
時花果卷有自跋神品也飯罷繞山麓登寒山巔穿洞子門
折而西至法螺寺三十年前舊游處花木泉石依然如舊僧
舍亦未全圯惟荒寒寥寂為人跡所不到訪凡夫遺跡不可
得從顏垣中見道光辛卯貝六泉點所繪張友樵戴笠圖刻
石尚在壁間巔上梵宇幢亦尚存薄莫歸

廿五日銅井至敝廬久談攜示惠定宇精華錄訓纂稿本惠氏

家諱如周揚字奇字雖偏旁亦缺筆眉端墨筆校補疑亦為定字先生手蹟前數冊但有惠棟姓名後半先署徐夔龍友而惠為增輯未能詳也

廿九日天池山新冢地由鱗鄉相度不佞未嘗一至山川向背皆未知也今日始往閱看旁千崖舟至善人橋泊坐蓋輿登岸約六七里始至其地在山麓分高下兩層從上層俯視距離下層約在五尺外前對陽山兩峰高峙後為天池山之陽村山云名右近偏賀九嶺左遠望天平支硎諸山峯巒迴抱高處地亦爽塏松樹成林惟樊陽平坦無高峰後面稍偏緊靠兩巨墓羅城之外無一樹一石詢以誰氏之域則云數十年無祭掃然則是地為人家墳前餘地無可疑也四圍荒塚甚多皆無主殆非吉壤若教之魄雖有風水亦難動靈況形

家言本不必迷信乎守塚人徐嫗即住墳西賀九嶺腳下

三月

初八日伯南以學堂中文有金石之學屢次虛衷下問拙著語
石彙可備芻蕘之采惟原彙在郎亭師處久未歸因作伯南
一紙郵師一紙又以一函告星台轉達即屬伯南持函往領
十六日今日新塋破土往山中籃輿辰刻來即登程出山塘循
靈巖之麓過韓斯王墓道饗堂在左寶藏菴在右再西穿松
林登彌陀嶺五嶽歸來不看山胸中有俯視一切之意豈知
此嶺絕高且陡盤旋百數十級尚未至顛路旁築石為亭下
輿小憩徧捫亭柱無所見惟壁上刻阿彌陀佛四大字對面
望胥口兩山夾峙中間波濤澎湃一白無際遠望烟樹迷茫
一綫橫列則洞庭西山也輿夫登高喘且汗問其筇步行登

絕頂始乘與其東面稍平坦醜石猗猗踞道左泉流松際幽
 靜頗似六盤山麓徐媼之戚周子美達於途云地師尚未到
 可往游天池即在蓮花峯之背距此僅一里而近喜而允之
 山半有前明鄭陽巡撫毛公墓規模極宏敞墓門及碑在山
 下一路羊馬翁仲排列直至山頂墓域周圍數十里皆其地
 惟寂鑑寺片壤以佛地未闢入封內寺建於元至正年門外
 植木為坊墨書寂鑑寺三字由甬道入有石屋一楹依山鑿
 成懸牖龕柱皆石也柱有聯尚未泐佛龕在兩邊四石分嵌
 壁間一石大字已漫漶三石皆施捨題名至正二十〇年輝
 道在立前有接引佛兩龕亦石象裝金壁有短碣亦至正某
 年道在立門外何彌陀佛四大字筆勢軒肅當是同時刻尚
 有一碑卧地據邨人云亦元石摩挲無一字寺僧號清如木

漬舊家子中年以無聊披華困於烟癖形容槁若死灰然談吐頗不俗略坐即至徐嫗家地師亦至未時破土至三點鐘返仍由彌陀嶺舊路過北竺塢見有石幢巍然高矗拔榛視之共四層下層八面皆梵文最上一層周刻佛象其下兩層亦似有字但仰望目力不逮徘徊良久與夫以絕頂道險請迂道由五峯山並有佛刹可瞻眺又喜而允之遂折而南過一山塢皆樵徑麓砂碎石隘不容趾至則僅一小廟所祀為城隍神像設之外一無所睹下山又折而東北行歸廟已五點鐘矣

廿四日得星台函平陽發還拙橐在伯南處始願所不及此也廿七日聞申報趙侍御啟霖疏糾新簡黑龍江巡撫段芝貴賈緣親貴從津門商會王竹林貸十萬金為慶邸壽又以歌妓

獻振貝子 詔派醇親王載灃壽州相國查辦段芝貴撤去
布政使銜並收回署成命貽笑四鄰辱國甚矣度隴過邠州
所拓大佛寺石刻半月之內手自校釋共得一百有十二通
唐刻皆精惜十不存四五又皆漫漶蓋為宋人題名磨損宋
刻又為明人惡札磨損轉展鏤除謬種不絕文字浩劫古今
同慨

四月

初四日早餐後偕鄉卿入山雇籃輿兩乘行李兩肩前取捷徑
度彌陀嶺以其嶮峻今日改道由龍池華山度賀九嶺嶺有
兩竇門洞中石壁周圍刻字仰視漫漶但均界以長圭形蓮
座承之元人題橋識年月皆如此以此類推或亦元明間刻
歟一洞上有架閣椽甍已傾嶺脊有琳宮門外涼亭自康熙

至道光共四石皆封柴米石碑又一碑大書天養人三字塗
朱尚未蝕下嶺半里弱即至徐媼宅下榻

初五日午未未初下窰先吉服祀土神始易舊服從前為父母
負土又為叔父今且為子悠悠蒼天尚何言哉

初七日往返田塍見野花折問村人野木犀枝葉花朵皆如桂
但白色牆上有藤下垂如金銀花亦白色土人謂之石松藤
花又有小紅花瓣如障扇形土人名山荷花浪此皆土俗語
若欲考其名義須檢爾雅本經

初八日飯後東裝歸順道借驛驛訪華山翠巖禪寺周子美導
游登賀九嶺先至道院瞻眺山門卑隘如圭筆羽流實無行
呼其違客病不能興還登其堂內外共三殿土木之工雖略
完尚未黝堊亦無陳設前殿之後有石壁摩崖刻高真別字

四字後殿庭中有隆慶六年鐵香爐稍憩即下嶺至翠巖寺
由花山初地入半里始達山麓登山曲折半里始抵佛剎松
栝藏門奇磴森列泉聲山色屏絕塵囂一路迤邐拳石刻文
曰墜宿曰且坐皆真書曰百步潺湲曰遠關者逕過皆八分
山半有石幢上兩層周圍鵠佛象下層無字幢右摩崖六大
字曰大接引佛前兩字為老樹所障不能辨意為南無二字
庚申之劫寺燬於兵惟大殿巍然尚存右偏為方丈有樓再
右偏殿中供達摩尊者象左為關山晉支道林右為高雲禪
師為乾隆時詩僧中懸 高宗純皇帝御書高雲二字額大
殿方丈聯額亦皆 宸翰再上有五十三參蓋一石鑿五十
三級陡絕再上有茅蓬一僧閉關修苦行無濟勝具不能攀
陟今住持號福田朴野如田夫礪碑弄瓦或優為之禪宗則

非所知也。淪茗至三點鐘下山，由龍池循靈岩之麓返瀆。
初九日，閩郎抄辭郎壽州相國查辦慶郎父子覆奏稱妓女楊
翠喜為王益孫即王錫英買作使婢，王竹林即王賢賓充商
務局總辦與段芝貴並無往來，亦無十萬金借款。趙侍御啟
霖以妄言革職。翌日，振貝子具摺請開差缺，優詔允准。
十四日，著錄度隴所得石刻、秦州麥積巖五種、成縣天井九種、
回山王母宮二十五種，又樓觀先後共得廿六通，則皆厥肆
物色及鳳石及金所贈。

十七日，周子美來新塋，十年前鄉鄉為寒家所得立券時地，主
尚是徐紹祥六十餘老翁也。不數年，閩祖孫父子三世四人
先後登鬼錄，令僅存兩麓，尚有一胞姪年二十餘，孔武有力。
初五亡兒下窆，尚來傭作工，未竣而病歸。今日周子美云前

五日已暴亡矣彌留之際自言冤鬼索命庚申之劫有人挾重貨自賊中逸出為其父兄弟所斃並殺其貲徐氏男丁無噍類皆其為厲今若教之魄餒矣果報昭彰孰云無之奴子言園中牡丹盛開午後啟鍵往賞但見花葉三四叢皆埋沒榛蕪中憔悴可憐姜謝殆盡傾城富貴之姿流落不偶良可太息去夏在長安所得造象三十三通墓志約二十通今日甫著錄訖

十八日長安趙乾生家石拓從前南北搜訪遺珠無幾庚子之變在京以廉值又拾得全分共七十餘通置行篋久矣今日詳檢一過前所未見者惟唐墓志二貞觀教倉害專一此外秦和始呂憲墓表隋蜀王秀所書董美人墓志唐褚登善隨清娛志李北海戒壇銘皆偽也前此亦以非真品而剔除之

十九日理百衲帖奉使以前續集裝成十六冊祇缺四冊龍上所得雖不多益以京筭未裝之本足矣足矣道經典擬另為一編僅得其半尚待哀輯

二十日度隴所得經幢秦州南郭寺二通安化普照寺佑德觀各二通空同山明光寺一通今日補入幢目從前隴刻闕如輅車搜訪驟增八種亦聊可生色矣

廿二日為銅井題蔡君謨書冊非真蹟也後附常熟孫奎謀太守畫山水三幅每幀吳竹橋太史題七絕一首皆精遠勝于蔡帖先作一跋意有未盡又成七絕二首

廿三日午後為銅井題南田草衣畫筴松竹蘭石署曰四清圖應周老先生命上有五絕二首不署款而有二小印一曰廢舊一曰西溪草堂詩云離奇一片石香氣襲蘭芬疏竹瀟瀟

雨松風起綠雲 白石蘭松竹山間號四清道人真澹木贊
一作同盟 此外羌無故實竊意老先生之稱明孝士大夫
以之尊館閣諸先達先取 國朝館選錄查之順治四年丁
亥呂宮榜果有周啟舊又檢歐香館集並得西溪草堂未歷
不負斯圖矣跋附後

惲正叔四清圖應周老先生命小詩兩絕不著款而有小印
二曰啟舊曰西溪草堂致周啟舊宜與人順治四年丁亥呂
宮榜傳臚南田至陽羨嘗與游處歐香館題畫有一則云西
溪草堂周太史歸隱處也予曾從太史擊楫而弄澄明縱觀
魚鳥有濠梁之樂集中又有為周太史題畫一詩其一鳴鶴
軒畫雪景首二句云先生不看長安宮朝天玉佩林頭結再
觀此圖二絕句脫展承明檐於榮利宜正叔之樂與往還矣

正叔花卉好以沒骨法設色盡態極妍石谷子嘗規之此圖
蒼古奇秀洗脫鉛華蓋晚年間道之作銅井同年其實之光
緒丁未孟夏緣裝

廿四日顧康民侍郎在牛王廟會弔早餐後即買舟往還泊棗
市橋畔城中客均早到見范寶卿之子初不相識自言為故
人子執禮甚恭恂恂儒雅寶卿為苐子矣文正之遺澤長矣
言義莊石刻庚申之劫半殘燬今補鐫始竣求為作記喜而
允之飯後解纜到濟日甫朕

五月

初三日致蕤風函內附徐天祐吳越春秋序日朕銅井來久談
見紫頭王知敬金剛經石刻云東坡此經墨蹟從憲齋中丞
以五百金得之果係真本洵為希覲之尤物

初六日叔母挈十弟夫婦移家來同住二弟婦偕五妹亦附舟至寒家自辛卯不佞入都天各一方十有五載從此一家共爨耦具無猜但願略去小嫌顧全大局庶可告先人於地下初九日瞿政翁為薇孫同年勅罷初交壽州師相及鐵寶臣尚書查辦同日奉 上諭譚毓鼎奏參瞿鴻禨暗通報館授意言官陰結外援分布黨羽余肇康於刑律素未嫻習因案降調因與該大臣兒女親家託法部保授丞參等語瞿鴻禨久任樞垣應如何竭忠報稱頻年屢被參劾朝廷曲予優容猶復不知謹慎所稱竊權結黨保守祿位各節姑免深究余肇康前在江西按察使司任內因案獲咎為時未久雖經法部保授丞參該大臣身任樞臣並未據實奏陳顯係有心迴護實屬徇私溺職法部左參議余肇康着即行革職瞿鴻禨著

開缺回籍以示薄懲欽此此慶邸之先聲也其萌芽已兆於
蔣趙兩侍御薇孫因勢利導所以易若摧體也宦海風波洵
可畏哉

十四日有人以書畫求售管夫人畫竹仇實父青綠山水皆立
軸祝京兆狂草長卷管自題七絕一首趙承旨跋於上方雖
未辨真贋筆意頗不俗十洲山水上有文待詔七律三首周
公瑕跋下題項元汴屬實甫畫衡山在明中葉稍後何以與
仇項諸公同在一幅尚有近人任立凡預合歡屏四巨幅松
柏猿猴蒼潤雄厚轉為顛撲不破之作以索高價置之

十六日得緝卿二緘言於五畝園掃除兩稼備進城下榻丁泳
之先生之嗣子名有庠號麗光掃墓下鄉主銅井家日滿來
訪以故人子即見之年三十七矣本以縣丞需次浙江今過

知縣班從瑞鼎即在章門當洋務局差與言家學尚不減製
楹書具在泳之丈晚年尚精韻學有集韻正義唐韻亦有成
書皆未刊

廿四日摩挲蘇孝慈墓銘以隋書本傳校之作三跋

廿五日卽亭師之嗣君伯春茂才買棹來訪袖中出戊戌六十
壽序不佞舊彙言今年六十九歲六月朔誕辰將稱祝屬於
首尾點竄數言而用之此十年中林下歲月雖無增新之事
世局則已大變塵羹土飯難再入饌其意亦欲重作一首但
距稱觴祇五日難於啟齒耳如此衰病如此酷暑如此急就
章實未知所以報命留下榻未允恁恁去

廿六日晨起卽屬彙取舊序所言為緣起而以歸里後聞於親
炙者鋪陳四段其以寒責致銅井一紙告之

廿七日銅井來索觀新稿本擬明日同進城以壽文尚未脫素
請其先發去後即握管疾書篝鐙而畢繕正緘封漏三下矣
三日不彈手生荊棘筆墨荒蕪已有五六年之久況駢儻以
組織為工率爾操觚安能愜心貴當自閤數過惟有顏甲
廿九日買舟到城已初即解維冒雨行極速未刻抵閤門進城
仍泊花橋紫藤花下至仲侯宅下榻卽亭師明日誕辰先一
日稱觴演劇折柬相招託言阻雨未到閱報章有警電本月
二十六日晚撫恩新帥派巡警學堂大考會辦道員徐錫麟
結與生革命黨魁也與其黨自稱光復子陳伯平自稱宗漢
子於上堂行鞠躬禮時遽出手槍連環轟擊文巡捕縣丞陸
永頤收支委員府經歷顧松皆登時轟斃恩新帥受傷甚劇
歸署尚標殊諭言皆徐錫麟一人所為全體無涉以安衆心

朔日即因傷閑缺凶手雷場獲住由藩臬兩司提訊直供排
滿不諱電請政府即行正法

六月

初一日邵亭師處仍綵觴宴客聞當道兩日皆集林下之絢爛
極矣已刻往祝與朱竹石廉訪陸申甫同年同席並見銅井
棚緣霄緯又見李幼鵬大令以父執見推不知其祖香巖翁
即視不佞在紀序之列也

初三日朱廉訪贈會昌一品集六冊一函仿宋刻後有菟翁跋
又積古齋鐘鼎款識彙本三冊一夾板此書本出朱茶堂侍
郎舊題鉅經堂金石跋阮太傅借刻改為積古齋續鐘鼎款
識其後又去續字並有照藏刪補處皆文達手筆廉訪為侍
郎從孫以稿本付石印舊聞郭象注莊出於向秀今睹此本

始信得銅井園約公祝卹師午後冒雨往銅井暨研生前輩
已先在又見卑人仲午伯淵諸君卹師以兩童子夾侍安輿
昇至廳事門生戚友羣集起居頷之而已何一哀至此邪今
日尚有升甫之約稍坐即離席歸及至糧道署座客已集主
人出午帥所致陳中丞密電皖撫大考巡警學堂初定廿八
日改廿六日大約亂黨以此尚未齊集未聞操徐錫麟請先
入席司道以下欲為一網打盡之計新帥亦未允不可謂非
天幸當猝發時先墮一彈及階未炸始出手槍中丞至飲八
彈最後一彈中小腹始撲地倒首府龔鎮湘及某觀察亦受
傷均不甚重先復子陳伯平即於軍械所格斃宗漢子姓馬
號子畦參閱報章又改姓名黃沛經學生指出拿獲人心惶
惶尚未定可慮也

初四日雇舟返瀆

十二日謁範來談隨輅赴閩事痛心疾首於幕友如伯雨墨臺真不可多得矣又言佩鶴在京雖筦旂務所學非所用公牘皆滿文參領為政書諾而已

十四日銅井招飲於嚴園聽生先以書來連附至濟陽丁氏書目四冊丁麗允自城帶來其父泳之孝廉所手輯也午刻雇扁舟往至則麗允先在並見其二子一十九歲一十八歲皆秀外慧中麗允年未及四旬本尚裙履少年不知者視之直伯仲行耳園主人導登天然園畫樓望北山排闥送青來席散仍泛舟歸

十五日閱濟陽書目集部自明迄國朝同者十八九蓋泳翁收書亦喜摭羅桑梓文獻與鄙人有同志鄙人所未見者僅

十餘部錄其目於後以備異日一觀之借

周伯琦近光集三卷 尾從詩一卷

楊基眉庵集十二卷 成化本

孫黃西庵集

周忠介燼餘集三卷 鈔本

劉珏完庵詩一卷

蔡羽林屋集二十卷

陳繼怡庵文集二十卷

盧格荷亭文集十六卷

盧雍古園集十二卷

二盧先生集二卷 裏 雍

丁元峻片玉齋存稿二卷

張獻翼文起堂集十卷

王心一蘭雪堂集八卷

丁肇亨白門草二卷

李果在亭叢書十二卷

汪家禧爐餘集三卷

范來宗洽園集二十六卷

蔣寶齡琴東野屋集十二卷

聖恩寺志周永年 十八卷

滄浪小志宋華 二卷

滄浪亭志梁章鉅 六卷

元妙觀志顧沅 十二卷

韓王祠墓志顧沅 六卷

陽山志 三卷

泮野關志 一卷

虎邱志 十卷

又顧詒祿 廿四卷

又陸肇城 十卷

林屋民風 王維德

十八日午前雇舟進城由盤門入即至四妹處下榻康吉赴五畝園尚未歸即雇肩輿與拜毛碩君提學旋來答拜皆久談十九日坐原船歸濱

二十日陸申甫同年月之廿五日六十正壽謝客不稱觴文字之外一無所受相緣同年商製炕屏八幅分任書撰前日作七律兩首因進城閣筆今日午後竭半日之長繼以篝燈伏

枕連前兩首共得七律八首

廿四日胡綬之悼亡其婦巢隱先生之女也作一聯統之 鄧尉塔鄉傳硯來游家在湖山勝地 鄧君官舍回枕初繫人歸切利諸天

廿五日為康侯題祖庭也魯先生遺象得六言三首

廿七日作七律二首

七月

初一日得伯南書校正語石謄奪錄示一紙頗資攻錯之助又為顧鶴逸借聽鐘樓詩為祝星洲借枝山外集第二卷

初四日取銅井寄存漁洋精華錄稿本閱之此書世知出於惠徵君今觀此本後六卷皆題徐夔龍友注惠棟定字補始知斷雕之始尚有椎輪每冊面籤皆題漁洋精華錄注訓纂二

字亦是後來追改書中奇士偏旁如寄綺等字皆缺筆又夾入訟牘一紙係徵君父學士修鎮江城垣時為無賴子敲詐送官懲究其家屬呈詞也以此為證自是徵君原素亦自紅且後人流傳而出為作跋尾一首

初五日得相緣同年書言平原廉訪誕日謝客一無所受得拙詩甚喜此猶是書生結習非真有嗜痂之癖也

初六日作七律二首

初七日日臨金剛經過是咸亨王知敬本以桐城方東澄寫本對校頗有異同覃谿亦有一本與方氏皆云據南唐顯禪師本而兩本又各有異同均注於王本之上方並補石泐文於下晚餐未畢忽自郵局遞到邵亭師訃報於昨日丑時即夕小斂十二日巳刻大斂為之輟箸而唏憶自丁丑公車至都

下始訂交尊之為先達丙戌游粵為幕下客己丑通籍派覆
試閱卷大臣遂執弟子禮綜論平生不可謂非知己老輩論
亡後賢異趣如斯人者豈易得哉作七絕三首

初九日熱益不可耐如悞如焚已踰十日不再退舍人何以堪
揮汗作五古一首

初十日中元家祭外曾祖張耕麓先生與其女支遠香先生之
配於^{配於}先^{配於}妣^{配於}母^{配於}皆無嗣舊時寒門奉香火自通籍入都以屬
吾弟今還鄉同爨仍由不肖為政二毛斑矣緩而同歎將來
不吾弟之賴而誰賴哉後顧茫茫涕下如雨

十四日作七律一首

十六日日映銅井來久談攜示蘇書金剛經墨蹟後自題云元
豐三年四月廿五日朝奉郎責授檢校水部員外郎黃州園

練副使蘇軾奉為亡考都官遠忌親寫此經施僧看轉以資冥福舊為密齋丈所藏前後無題跋近福山王文敏公及毓風老友始題數行於卷端後有日燕丁小山名氏善一跋作七律一首

十七日作七律二首

十八日亡兒生日兒婦設祭於寢生三十三年歿踰十載矣振觸悲懷老淚如雨作七律一首

十九日室人六十正壽先嚴慈五十皆未稱慶又在空谷之中兒女早殤惻然待盡相戒不稱觴名客作七律三首

二十日作七律一首

廿一日作七律兩首

廿四日此三日內養病杜門無聊弄筆作五律十首

廿五日以昨作五律十首草一函就正銅井復書以比少陵秦州詩得無過獎

廿八日作五律十首

廿九日見時報袁慰帥兩度節祠皆入京袁補外務部尚書張以大學士均授為軍機大臣

八月

初五日昨夜又反側不眠枕上作七古一首明知心動神疲非攝養所宜結習不能自主且念此更何以待旦也

初六日昨宵又不眠枕上得五律二首午後又續成二首

初八日得誦範函附到佩鶚都門書並見和七律兩首書言何潤甫顧漁溪徐花農禱伯約諸前輩皆隱於朝市頗有文酒之樂意在勸駕午後又得一律

初九日作五律二首

十一日得仲午函寄貽宋拓雲麾將軍碑石印本一冊後有王元美及蘇齋兩跋桐城吳氏暨福山王氏天壤閣藏印養病無聊追思都門鴻爪作五律二首

十二日展閱石印雲麾碑王元美跋波磔之磔以反作磔此一疑竇翁跋自題北平翁方綱又識夫曰又識則更有一跋在前可知蘇齋題碑往往長篇精楷至再至三此二跋竊疑皆後人所摹翁非一跋他跋以難於摹仿而去之碑則別一稍舊之拓也若碑為原拓則跋必有竄割矣總之此碑必有化身無可疑也午後作五律二首

十三日作五律二首

中秋日作五律二首

十六日得介侯龍上一函望眼欲穿矣去年將母度龍升帥即委充文案又兼兩差月得八十餘金尚可供甘旨冬間升帥又委充官錢局坐辦薪水較優順滋同寮之忌因辭去土稅局十金一差尚可作百金作五律四首

十七日作五律四首

廿一日得仲午書深以贈詩為快願以宋拓各碑借觀空谷之中聞似人者而喜遂形篇什豈以詩為餌哉

廿二日五律四首昨創案今日續成之

廿三日得辦卿函即師於九月十七八日領帖先於十六日請不佞題主並云以小翰拖帶一日可以往返位卑望淺愧不敢當擬請另延鉅人宿德而退處於裏題之列云作五律二首

廿七日得緝鄉書述卽亭師題主伯椿堅以相屬並聞延賓緯
仲午襄題其用意可知不必辭矣

廿八日臨衛景武碑畢與金剛經雖一家書結體微不同以歐
書例之金經似化度此碑似醴泉也

九月

初二日五妹之姑十四日舉襄以戚誼撰輓對一聯 大家家
風巷績相聞百兩憶占歸妹卦 衆母母教楹書克紹八公
早徧惠人謳

初五日卽亭師平生文字之知不為不深身後無一字以述哀
雖分不誅專過橋公之墓能無腹痛欲作輓聯輓詩苦思不
屬昨日作祭文一首今日續成之

初八日姜頌青之子十七舉襄作輓對一聯 公教雙聲方期

執國弓張克承家學 優曇一現不意美園尊酒遽隔人天
初九日得仲侯函言姪女隨母進城病漸增外家來告愚夫曰
漸增必有自來進城時初未病也窮詰其事始知十弟婦翁
先有一函告婿言到蘇後忽患疾厥厥定而身熱未退云云
問十弟見否則以不解文義視若無睹對嗚呼寒門薄祚不
肖就木已近男丁惟吾弟一人為碩果今若此天演淘汰吾
家其儘先第一家乎每念及此輒為痛哭

十三日明日曹辰卿母舉喪雇船進城仍泊花橋至仲侯處下
榻見三妹即問姪女病已稍愈

十五日五十九歲初度花甲將周德不加進惟有漸汗
十六日平陽題主初訂已刻以天雨延至午始來過即冒雨赴
之仲午宵肆左右襄題禮成即留午餐

十八日得星台緘附至沈習之一函洞石遺彙二冊初未知其
人啟函始知為亡友沈子堅所纂洞石其晚年自號習之其
長子名敬學今在端午帥幕當文案能刻其先人撰述吾友
為有子矣

十九日解卿晨來帶至石印東方朔畫象贊二冊唐石宋拓尚
可信惟前後無題字據藏者劉鐵雲自記辛巳得於都門則
非余在嚴肆所見之一本矣他碑以舊拓視新拓以原石視
模刻雖霄壤懸殊其面目總在惟顏碑近拓精神面目無絲
毫相肖直是別一種俗書非得宋拓不可學矣

廿一日唐仁齋函示萬山石刻六巨冊約十餘種索值四十元
據云明拓實不過百年內物也惟景賢大師石塔銘無藏本
此外皆篋中所有又元公姬氏兩志金石契五冊皆還之

廿二日治裝下舟三四兩妹及甥女輩亦先後下船大小兩艘
男女分坐冒雨解纜時已卓午三點鐘過橫塘作餐五點鐘
到濱寓客於樓自攜卧具至樓下書室宿

廿七日得仲午書寄示蔡忠惠榜嚴經偈石刻此刻在長清篋
中亦有藏本所願見者元長書非元度書也

十月

初九日銅井日晡來談新自城中歸云詠春自都門盡室南還
無復出山之志見機而作不俟終日斯人有焉

初十日三妹四妹各挈其女同舟歸下鄉首尾適十八日老年
兄妹一堂聚首不可謂非幸事惟誦前賢遍插茱萸少一人
之句令人輒思二弟又念五妹食貧子又不肖一家吳越無
法以維持之又令人作惡耳

十二日得沈習之廣文一函求序未屬素先來謝其實要以必
成也立言得體文筆爾足子堅真有子矣又得銅井書言天
平楓葉正當絢爛之時今日乘興獨往坐盡山閣半日領略
殊佳未能同游徒有神往

十三日天容如墨風聲條刁怒吼寒驟增長起穿嵐裘銅井美
園之約徘徊欲不赴先以一函往示意乃即以舟來迓不能
辭園中楓樹一株絢爛之極赫如渥丹妙在猩紅之中間以
穠碧分外鮮明窺管一斑益令人神往天平不置躊躇仍遣
舟歸

十九日寫開元十九年石窟寺經幢一通僅存六面內第三面
重寶祇有五面幸首尾不闕造幢人及年月尚可著錄自庚
子昌平避地還京斷手至今年丁未已閱七載重理舊業宏

願難償未知報青何日

廿一日得劉振青同年訃尚是七月八日歿於都門年僅四十
有九曾一充湖北正考官分校春秋闈各一一官不達甫至
侍講遽夭天年老母尚在可哀也已 實應三劉皆舊交也
佛青戶部丙戌先舉進士君與我三同年為從昆季同登己
丑會榜於佛青為從子族屬已疏遠並承叔倪先生之餘緒
文章經術具有本原而君學行尤遠望之弱不勝衣而處事
堅忍不可怵誘失此畏友良用惓然

廿二日寫石窟寺經幢長興三年經幢畢共十紙內三紙重寶
僅存七面缺第四面石窟寺在今河南鞏縣傳聞寺已淪於
黃流古刻俱為波臣捲去雖殘本彌足珍已

廿三日日脯銅井來久談知彭誦田以暴疾歿為之悵然頌田

子嘉之胞兄作令龍西十餘載歷任繁要官泰安最久有政聲余初至龍上海劉讓木刺史尚在省老病無聊而頌田已宦成歸同官莫不豔羨之

廿四日作嚴蔭庭母執對一聯 莫釐世家蔚起孫曾四代

重陽時節證明來去三生

生於九月二十二日
歿於九月十三日

廿六日自夏病暑不作詩已兩月今日始得五古一首

廿七日得唐仁齋函寄示舊拓李元秀碑索典價百六十元絕價五百元

廿八日展閱李元秀碑龍跳虎卧墨采騰奮始見北海精詣然前後無題跋青藤居士天池山人兩印皆不真是碑明嘉靖中已斷為六柱礎自王損仲攜四石歸汴淪於黃流世間僅存兩礎百餘字覃谿集中有此碑跋言所見一本董思白莫

雲卿稱為唐拓者亦不過十字此本首尾所闕無幾尚存千
四百餘字又六硯本額祇存唐故雲三字此本額尚完好何
從得此最先最完之拓此一疑團也韋谿又言見一摹本若
以為即此本細審氣韻純出自然決非後來摹刻所能到不
佞自謂精鑒到眼毫芒不能昧對此竟不敢下判斷金石之
學雖小道豈易言哉

廿九日百衲帖中邠州崇禎題名一通相城姚少師詩一首唐
仁齋以未精封還不知師道衍奇人也寥寥短簡存其人本
不重其字邠州以地遠難拓親自摻訪得之不忍割棄非嗜
痴也寄一函仍屬付裝

十一月

初一日寫鄭州中和五年開元寺經幢一通及盒所贈也又續

寫元祐九年劉伯莊兄弟建尊勝幢但有兄無經序

初二日得佩鶴都門函新遷鐵匠胡同與舊寓衛宇相望柯庭宅已改為學部衙門賃廡即在範圍之內使燕子重來無復舊巢痕矣排定新裝百衲帖次序共四冊連前都門所祿十六冊合二十冊上下兩函續集告備刪去七星巖題名一通三十七葉樂清題名一通四葉急就篇兩本雖並存其一亦為蛇足計三十五葉共七十六葉工價皆虛糜恩恩付裝斟酌未能盡善致有此失

初三日以百衲帖四冊寄唐仁齋裝訂剔出之高要樂清題名兩種另裝一冊竹頭木屑尚未忍覆甃也北海李元秀碑舊藏兩礎本墨海成堆無從檢覓檢得朱椒堂重刻本對校一過朱跋亦謂戲鴻堂重刻僅四百餘字何從物色完本及見

陳萬璋在汴省所收足本訛為得未曾有遂以上石置法源寺即今重開本也兩本相校如車合轍摹本於字之肥潤完整者頗能肖其結構泐紋及一二瘦損之字則神氣全失一望而知為覆本朱所見祖本定為宋末元初拓與今本雖無大徑筵其泐筆今來一本尚有未泐處是拓本尚在朱祖本前定為宋拓毫無疑義董冀兩公謂所見不全本為唐拓真敬帝之享也告仁齋願以百元售不願與未知有此墨緣否初六日仁齋函寄莫雲卿重摹李元秀碑殘本即所謂唐拓者神氣索漠文字亦顛倒無序尚未能望後來朱刻何況原本前碑之價請益六十元不為居奇但林下無資不能如李布之一諾今外交家動曰磋磨正宜利用此新名詞

初八日錄天福八年郭存實經幢一通此刻李雲從自山右拓

歸共有八幢適逢庚子之亂寄寓德勝門外祥利迺錄至第七通而都城不守留此一種思思攜赴昌平回京後遂東高閭今閱七年之久猶能從故紙堆中理絲絲而出之師丹健忘非佛力有以護持之邪

初九日得詠春書寄示出都述懷七律八首

初十日致唐仁齋函李元秀碑允增十元作為紹介之敬此粗公之芋栗也

十一日燈下寫照宵三年惠山寺經幢畢大白傘蓋咒無經共四葉

十二日燈下寫政和七年李彥柔墓記幢一通畢作任達年同年太君輓對下聯 蜀道板輿林下歸來思壤敢忘三載約韋家絳帳閨中遺訓鈞臺本有一家書

十三日山居早息枕上不能寐作五古一首輓彭頌田

十四日午後偕子美赴新塋驗工周覽既畢同登天池山山半
毛公墓有明諭祭碑文攀藤往讀之嘉靖十三年直隸蘇州
府知府王鴻漸奉敕祭右副都御史毛珵字尚完好再上為
寂鑑寺先至門外石屋重尋舊刻中樞石梁額曰西天寺門
前石柱一聯曰親象和乾坤並著香筵與天地同春中兩樞
似佛偈右十字曰生生菩薩家心心常出家左十字曰心不
口口口身不離袈裟龕中陷壁三石門外接應佛龕中一石
皆至正刻自攜種種紙墨與奴子共搦之得一通以歸寺僧
延至禪堂略坐即下山迂道赴竺塢訪文文肅公隱居處薄
無遺跡惟其墓尚存松檟叢中披榛而入僅存塋塋三尺墓
前石闊沙湧入地高不盈丈立視礙眉上刻十二字可以捫

而讀之曰皇明朝列大夫湘南文公墓道又一短碣曰明故大學士文文肅公之墓四旁皆為人侵佔沈旭初觀察家塋域即其旁餘地也為之太息遙望峯頭有古刹子美云是石觀音廟暮色蒼然又若有微雨霑袂未往游

十五日午後游華山寺子美為導游攜理稚而往先登賀九嶺兩閣閣壁皆有字細視無年月語亦不雅馴知非古刹遂未拓即下嶺由初地登山透關者逕過五字即在山門之外其前一石刻鐵壁關三字皆分書大殿楹聯上曰秀挺蓮峯觀空悟華藏下曰清延松逕聽法演潮音 聖祖仁皇帝宸翰皆前次所未詳也山僧出迎號明修前度來游住山者號福田即其師也文室稍憩由大殿後歷階而上共二百餘級一磐陀大石自顯至趾共磬五十三層即所謂五十三參再上

石壁有 聖祖御題詩再上山徑轉平坦直至蓮花峯距絕頂已不遠遙望太湖一白渺瀰無際吳城在右錫山在左數十里外空曠可見久不作此壯游矣下山仍至禪堂茗坐片刻循舊道歸燈下作七古一首弔文文肅墓

十六日大風驟寒游興已闕早餐後即束裝行李兩肩籃輿一衆以彌陀嶺耑建瓴直下迂道由五峯山到瀆已過午矣知昨日唐仁齋遺其使賁百納帖來共續集十本新裝四舊裝六總一函李碑無復函亦無留語殆有推敲矣

十七日作五古一首七律二首此次入山紀游共得四詩

十九日午後攜元拓雲庵碑質銅并久坐並見聰生出示懷仁聖教拓本與舊藏相伯仲又北海婆羅樹碑一本武林楊雷漁前輩之子所藏自跋謂勝於陳文燭本定為宋翻宋拓聰

生以為但有面目神味索然迺是前明棗梨所鐫不禁首肯
此一日午後漢貞閣有人來出見之兩少年其一仁齋之子居
然有裙履風稱余曰老伯呼馬呼牛其敢不應出示其父書
雲麾允百元見歸並堅辭十元酬敬雖非由衷在市井中已
為雲中白鶴矣去後為聰生跋懷仁聖教序脫素視之已三
百餘字即作一函歸趙又寄詠春前輩一紙以近作四首就
正

廿三日前在西安所得雲麾一本兩日前置案頭昨欲示銅井
覓不得今日大索仍杳然殆如金杯之羽化得一雲麾失一
雲麾良可笑自夏秋來家中長物不脛而走已非一次女傭
中一人最可疑已善遣去者不可復還亡羊補牢願與家人
共勉之

廿五日陸孟孚函來徵文先是其弟李良在都門介佩鶴為其尊公蔚庭前輩求撰墓志今志石已刻陽湖惲次遠侍郎所撰其卒未同年也寄來拓本一通並哀啟訃聞各一分但言撰銘誄須駢體然誄文非可施於尊者墓石唐時雖有一人兩志如襄陽張氏之類然必陵谷遷變或有改卜或一為衣冠墓文章各有體裁駢散亦各有所宜未敢遽下筆

三十日前日間聽馭甥言驚莊歿於宿州任虧官帑二萬此吾年少時同學也猶憶三人訂交驚莊居長尚未及三十歲余為仲樛固姻丈齒最稚皆未及二十四十年來幼者先逝今又弱一个惟余僅存亦六十老矣人生如白駒過隙甯不信然

十二月

初四日作古體一首近於游戲久不弄此狡獪矣

初七日此間禪刹以明月寺為最古尚是後唐清泰時建午後至園牆後野眺信步往訪在山塘驚飛橋之西山門之外惟有佛殿三楹僧舍四五椽一磬鐺嘉慶年月此外無片碣寺門外皆桑園從前之大界相也廢然而返

初八日重錄元和十一年絳州司倉參軍步佐元書經幢一通畢得五律二首

十三日閱邸抄樊山前輩面皮奏保開復革職處分

十四日錄天寶十一載濟北郡史方質經幢一通畢癡肘模黏竭心手目之力三易豪始粗可觀前日所失李思訓碑今日於故紙堆中忽然檢得前詩為蛇足矣然楚弓魯鼎竟得重歸奇觚願安知非下招之力邪

十六日寫咸通七年精嚴寺經幢畢但有經咒而無序然校勘極精審譯本不同字句雖有增損絕無謬奪

十八日錄奚虛己書幢一通畢書法娟秀校勘精審唐寫經之上品也

二十日十弟生日明年三十矣誦石湖歲除村田樂府賣癡歌一首不禁長歎

廿一日重錄開元九年系陽村經幢一通共四紙牛毛繭絲竭三日之力繼晷焚膏始畢

廿二日重錄天寶四載南部縣王襲綢經幢一通此幢鐵鑄陽文八分書不多見閱邸抄春江師以三品京堂候補興雅縣師及丁徇卿制帥景樾汀方伯同入資政院

廿七日寫齊州啟聖禪院金剛經幢殘刻一通僅六面後幢讚

題名皆漫漶摩挲兩日文義始略可聯屬年月雖泐以譜中
四人樂業句證之諱民為人唐人之詞書法不古殆是晚唐
刻耳

廿七日談蒙九自蘭州郵局來一函言介侯新舉子老母在隴
亦健飯是可喜也聞報章黃仲弢前輩因病開缺海內又少
一學人矣

廿九日午後設影堂於書室樓下在都在隴皆虛設一座上香
上食 祖考遺象連侍已十七年瞻對之餘不勝愴感夜接
憲

戊申正月

元旦歲月如馳忽忽已周甲子學日益荒德不加進自挂冠後
鍵關謝客不能副戚友之責望不獨後來英雋棄我如遺即

平生投分之交亦多持樸生之論量鹽數米之外惟以讀碑
寫經為日課以頊耗奇平生壯志不自意銷磨至此

初三日錄憫忠寺經幢一通末行年月已泐而劉贊記中有應
歷七年六月云云上半截六面泐每面分拓無記數字又上
下紙皆斷裂紫鳳天吳顛倒禪榻昨夜諦審至三鼓始得其
前後次序今晚篝燈繕完之新年作此枯禪雖戒行僧何以
加我

初四日錄殘石幢一通上下截皆斷裂僅存中間一段高四寸
許年月已失然唐梵二體皆精整有法度可決其為唐刻且
在乾元以前也又錄元大德六年八都廟香幢一通僅兩面
有字甚苛簡

初五日晨起得錢乙生明經函並共賞集初二編二冊乞序其

先人秋潭先生所輯也初編皆庚申以前老輩二編則亡友汪燕廈孫嶼芝在馬金子春潘聖侯徐永之三丈皆事之在師友之間者也四十年來彫謝殆盡而小冠末座者亦已六十矣錄唐錢幢一通上半截缺僅存下截一尺餘後有亡男文口從興聖西人蜀云云當是僖宗後刻

初六日錄廣順三年判官堂塑像記幢一通

初九日錄金明昌二年開化寺唯識院慧唯識普同經幢畢又接錄顯德五載虎邱雲巖寺高陽許氏經幢一通

初十日錄貞元七年沙門惟嵩書經幢一通行書頗俊邁下界線外右角每面有自一至八記數小字為他刻所未見若皆如此刻則八面或六面雖分拓分置不識文義者亦不至迷其先後法莫善於此

十二日得汪伯春函為郎亭師徵墓誌後死之責自不敢辭但
日來坐困愁城心如死灰槁木何從秉筆錄大中十一年比
丘文總等立經幢一通

上元日元和魏大令詩鈐遣人送撫藩學臬道公請帖十七日
午滄浪亭明道堂為自治諮議局協商而設去年旭莊同年
己介康吉先訂約又得王叔武貳尹函致何太守意其勢不
可辭前日作亡友沈子堅遺集序藏之腹笥今晚始錄彙
十六日得曹叔彥一函述朱竹石方伯之命存古學堂將以不
佞為總教其宗旨在正人心專經學扶植倫常挽回風俗何
敢當何敢當自維晚節頗唐修名不立記問荒落猶其次也
忝顏臯比謗立至矣午後解維旁晚進盤門泊杉瀆橋亭泉
之畔登岸至四妹處

十七日午刻赴滄浪亭之約紳士到者十二人

十八日得墨台函潘濟之文屬贈其先人玉汾先生自鏡齋詩文集各一冊詠花詞一冊試帖一冊潘文恭公正學編四冊拜客先至中丞處繼見毛實君陸申甫兩同年皆久談在臬署見沈潔齋觀察別十七年丰采如昨而不佞領下已皓如霜雪告以戊子同舟事始恍然大悟並言中州解組本不出山以不堪戚友之追呼始進京銷假實避器也慨乎言之良有同喟

二十日雇舟由橫塘進塔影浜至外家新塋送葬墓在楞伽之陰規模宏敞酉時登位先辭歸到濱上燈矣

廿三日得介侯蘭州書以七律二章見贈並示近稿多與紫卿廉訪唱和之作放筆為直幹輒然思不羣自是才人本色但

手滑處不免落隨園窠臼非所望於作者也又得康吉函言登舟後中丞先遣材官來問訊繼介朱方伯送到照會一角其大旨以蘇省游學預備科改設存古學堂所有各門總校亟應預為延訂夙仰貴紳博覽古今致訂精確應即延為歷史地理總校每年薪水洋十二百元自延分校一員月薪三十兩均由善後局按月致送云云叔彥函來介紹後尚未答何遽行強迫主義提學使不為而為校長乎

廿五日寄叔彥書卻聘並繳中丞燕會一角午後作錢秋潭先生共賞集序秋潭名辰乙生明經之父也

洞石老人遺稿序

具區七十二峯以包山為長道書所謂林屋洞天也層巒疊翠秀絕羣壤逸人貞士帶經躬耕有蔡九遠陸叔平之遺風

爲昌熾年二十餘即與其里人徐君愛樞爲忘年交又遇愛
樞復交於沈子堅明經子堅嗜學方聞煇節自好三人者同
游於馮林一先生之門文字切劘致足樂也既而愛樞筮仕
得章門余亦以飢驅去其鄉已丑通籍官京師稍久與兩君
蹤跡遙疏壬寅之春奉使隴臯聞愛樞已前歿君巍然爲里
中耆宿竊自揆素無宦情報滿歸田庶幾與君隻離近局尊
酒論心集鄰鄉之緒言話湖山之雅故豈謂余萌於丙午六
月返而君先於二月歸道山人琴之痛長此終古能不悲夫
君有才子三而長君習之尤賢而有文潘陽陶齋制帥聞府
江南羅而致之幕下去年刻君遺集成自江甯郵書來徵序
亟披讀之伐木嗟鳴之什大都皆平生舊雨徐陳應劉後先
殂謝已不勝黃墟之悼而余重有感者君集中有游遂初園

詩其地在橫谿之西雲巖之麓雍乾間詩人吳竹嶼之所卜
築而沈文慙之所觴詠而游處也今爲余賃春之廡君詩有
靈巖劫後无恙亭林之語想見羊求至日三徑未荒今則喬
木蒼煙鞠爲蔬園竹嶼歸硯堂集所詠西爽臺青瑤館小壺
山閣諸勝杳無遺蹟之可尋此不過三十年事耳而今昔之
不同已如此君於光緒初客羊城襄校吳子實學使幕得紀
游詩一卷今集中海南諸篇是也後十餘年余亦以幕游入
粵航海自汕頭溯東江而上水程六百里以君詩證之如湘
子橋邊月色昏蓬萊灘頭祭水神命筆造微山川景物詩中
有畫亦非身入畫圖中長橋遠浦驚湍奇石之狀態未由言
下洞然也佛言泡幻露電又言藏識變現能使昔年奇物記
憶宛然讀君詩益信君位雖不達汾曲之堂陶鑄後遺高足

弟子皆卓然負房杜之略有子克家極書能讀瀧阡待表方
今經籍道喪微言將墜而習之獨不忘過庭之訓梓父書以
傳可不謂賢乎余嘉故人之有子幸吾道之不孤梵誦餘閒
泚筆書此俯仰人天百端交集不第泣然宿草已也光緒戊
申上元日長洲葉昌熾

廿六日為星臺跋褚河南聖教序兩治字開口尚是乾嘉前拓
本

廿八日昨致乙生函詢韋君繡在山草堂集及施君山遺稿今
晚函來即以施集見貽韋集段錄高誼可感施先生所著名
拙修堂稿祇詩二卷五六十首卽亭師乙酉年付刊前此竟
未知也韋先生集前有周孝堦序本漬人也序作於嘉慶己
卯韋君戾申前尚在則此特其少作耳

三十日錄開成己未天平軍同節度副使武功蘇專建經幢一通畢

二月

初二日錄開成二年武林龍興寺幢一通畢

初四日錄元至元三十年河陽李氏宅兆記石幢一通畢共三紙無經咒

初六日錄宋乾德五年李仁口造陀羅尼幢一通畢有咒無經第七面咒真書之內雜以篆文二字石刻所僅見以此補語石一條

初八日夜錄東隱庵經幢一通

初十日寫大和三年右龍武軍正口兼押衙懷義建花幢一通畢但有經咒而無序咒無切音不分句經文謄奪不可枚舉

以佛法論當以侮亂經典科罪

十二日昨日自外歸登樓眼前驟黑幾自梯從高而墮病之由來久矣朝得一函求推轂暮得一函操量鼓拒之則責言立至應之為衆矢之的與家人言則曰胡不進京可升官與友人言則曰方欲登堂呼將伯林下清閒因難至此始知出山易還山難此應閑者所以必待蓋棺歸田者所以恆為流寓也夜得唐仁齋函以嵩山景賢大師塔銘見贈又寄示唐碑二十餘通無可采

十三日還唐仁齋拓本留唐元和天台智者道場碑金貞元釋迦院三世佛殿碑各一通

十五日存古學堂叔彥又以函來繫維致當途之意一月到堂兩次宣講大義課程閱卷皆以分校代理如書院山長之例

體諒至此勢難拒絕但分校難得此分校不啻代總校尤不易物色即有其人非三十金一月所可延致而毛遂自薦者更拒不勝拒真進退維谷

十八日巳刻放樞天宇清南山光明嶺蓮窗遠眺胸襟為之一暢五點鐘即進閤門泊天妃宮橋潭子河頭登岸至皮野仲侯已掃榻以待矣

廿一日星台來携示舊捐玄秘塔碑乞跋尾又言陸廉夫畫師新遭壯篋所藏墨拓如金杯之羽化內有常醜奴墓志舊拓龍藏寺有過雲樓藏印元公姬氏墓志初拓合璧全本此四隋碑最可惜尚有韓勅韓仁兩漢石及初拓書譜

廿二日聽馭甥來携示舊拓李思訓碑花橋楊嬪漁之物也張叔未云有并序二字者元拓有竇氏夫人四字者宋拓此本

六字皆完好外溢出字尚多碑末楚厚追刻今世石印所稱宋本者亦無此四字似至舊之拓矣然以望氣之法諦視之精神紙墨古矣而不能甚古視他宋元拓尚有一閒之未達意者叔未翁所評謬尚非定論明時拓本碑之泐文尚無恙乎聞其家可以易米姑以二十餅餽之

廿三日聽馭甥又從宏農攜至懷仁聖教不空兩碑皆稍舊拓孫虔禮書譜安刻原本也

廿四日訪叔彥畧談即下舟出閤門東南風利布帆拂拂頃刻即過橫塘到瀆冥色尚未上也伯南忽有函來茹鯁在喉欲吐不吐蓋諷存古之輕出也不佞何嘗願出哉橫來干涉大惑不解

廿七日伯南自城來留午餐詰其前函宗旨則以不佞出應存

古之聘學界大譚將有鳴鼓之攻並言保粹之事尚有什伯
重要於此者盡不改圖以慰眾望詰以何事則以藏書樓對
詰以何人主持從何籌款畫餅充飢徒託空談而已又出示
蔣李和吳訥士公函與朱廉訪反對伯南謹愿來為紹介不
過僱師之誦人耳即以叔彥函示之又告以若為薪水計歸
田之後早已迫不暇擇何待今日即作叔彥函既思感怒作
函易於失詞留未發

廿八日郎亭師墓志約月望為期今日始得屬稿

廿九日昨改定叔彥函今晨付航昨創墓志稿未製銘今日續
成之四言二十韻又稍稍潤色即繕出

三月

初三日得叔彥函力言竹古干城聖道必能成立羣鴈仰視而

嚇可無置懷不佞避人空谷一切觀空彼此一是非其實均
不願與聞也春江師七十正壽老病憚於作序以五言長律
代之兀坐構思約略成四十餘韻腹稿未繕出

初四日昨詩足成五十韻稍稍潤色錄之

初六日得詠春書勸就存古之聘諸君或推之或挽之吾誰適
從寫咸通九年新繁縣三會院經幢一通

初八日午後寫咸通七年黃氏女廿二娘墜幢

初九日寫唐幢一通無年月姓氏惟經題之上冠以佛說二字
為他刻所無即以此為別題曰佛說佛頂尊勝陀羅尼經幢
筆法道宕製作亦精似此功德何以經文之外不着一字疑
有文在幢座而未拓也尾押博陵小鞠朱記亦未詳何氏
十一日陸孟符太守客冬函來為其父蔚庭前輩徵文允為作

誅已三月矣昨始創案兩日而成

十四日招頌青來以韋君繡詩一冊屬付寫官

十五日鳳石自都門寄貽寫大定壬午雲居寺前管内都綱遺行記一通八面刻有梵咒亦幢也共千餘言三日始畢

十八日作七律四首

二十日寫唐光啟二年封崇寺經幢一通共四葉足四日始卒業

廿一日作七絕五首題潘文勤師尺牘

廿三日寫遼大安三年興國寺經幢一通共五葉王杆鄭太守函來並寄貽所著正學編一冊所輯感應篇儒義一冊遼文萃西夏文綴合一冊遼文發端於不佞執風懷而有之今杆鄭又兼及西夏幸同調之不孤又大懼於我臂者之多也

廿四日補誥石一則又為星台跋元祕塔即書於後此本星臺傳自祖庭鋒稜完好不啻新發於硯余所見舊拓十餘本以此本為第一又以前作五絕句寫於文勤師尺牘之後

廿五日十弟前日進城今日歸適於午刻舉一男寒門嗣續有人固可喜叔母年已六旬矣抱孫尤可喜也

廿六日得仲午緘還泰輅日記一冊又以文勤師東陵日記稿見示商刻例寫唐經幢兩通一無年月陀羅尼經無序附刻心經阿彌陀咒棋子方格正書絕精在乾州輝卜邨尚是憲齋中丞所贈藏篋中二十餘年矣其一金剛經開成元年澤州刺史皇甫曙建

廿八日寫唐長慶元年涇陽縣仙國鄉塔院經幢一通畢

廿九日進城驛邸迂於舟次同至五畝園下榻內為儒孤學堂

前通翰香局臥室兩間頗幽靜顏曰書帶草廬亡友謝綬之
筆後有跋謂梅氏五畝園有此舊額據繅卿云梅氏已後盛
衰迭更非復一姓綬翁曾輯五畝園志能詳其流轉之迹屬
兔印本小庭有梅三薔薇二山茶一薇茶方盛間牆外即丙
舍與幽獨若為鄰人踪所不到薄暮繅卿導游園中池塘寬
廣四圍皆草連烟水蒼茫一望無際與逆初園彷彿池中有
圓墩似釣臺通以小橋臺上本一亭已圯矣而尚有室三楹
顏曰碧藻軒水榭臨池頗可游眺廊壁嵌詩碣八九皆 園
初人筆以風勁不能久讀

四月

初二日致星臺一緘繼元祕塔及文勤師尺牘午後來謝贈庚
寅讌集三編三冊蔡蕓齋奉使轉桑唱酬之作也薄暮偕繅

卿再至園中摩挲許碣有沈繹堂韓文懿繆雙泉汪荅文諸公題詠又有李天植孫兵頌大抵皆康熙時桑梓先賢為張麗敷作最後有文搜金侃兩布衣侃字亦陶孝章先生之子搜為竺塢後人其文字就可讀者審諦之皆題湖州兩舍不知何以在此非查園志不可矣

初三日得星臺書經訓堂帖兩函畢氏靈巖山館所刻庚申之劫毀其大半此尚是未毀足本屬為題跋

初四日手民徐稚國來徐元國之子也二十年前為文勤師及香生太守刻叢書即由其父承辦其時年已六十餘早歿矣長次兩子亦先後作古此其第三子尚有一小弱弟回首前塵不無身世之感人惟求舊其能存先民之槧燹與否未敢必也以語石一冊付之先寫刻一葉看樣仲午處工價每百

字二百文以精刻請益許以洋碼易錢碼計千字洋兩元梨板兩面刻每葉廿二行每行廿二字上下兩象鼻單燕尾以貴池劉氏叢書為程式取其尚不陋再精則今無此上工矣午後繡卿覓得五畝園小志一冊謝綬之所輯後為志餘則綬翁與吳江波塔筌明經同述巫披閱之漢時為張長史植桑地未知何據宋熙甯間梅宣義築亭居之

宣義書是宣義即宋之任情非

其七蘇長公贈詩所云仙人子真後還隱吳市門不惜十年

力治此五畝園是其詩今在東坡集中紹聖中為章莊簡棠桃花陂別墅明季諸生呂慈築采香庵小桃源於其中國朝由呂歸業轉入於潘光緒十五年始捐入輪香局一廢園耳謝綬翁經營之為儒孤學堂繡卿又續建兩舍園中碧蔭軒書帶草廬皆宋明舊額尚有梅陂更好軒雙荷花池諸勝又

云乾嘉間有梅姓自江右訪祖墓於園西掘地得碑記十餘
種皆宋賢撰著乾嘉距今不過百餘年耳何以無片石存詢
解卿亦莫能詳也小志各條皆出自朱榮庭舊志緩翁當日
必見朱志原本今無可物色矣惜哉

初六日午後下讀

初九日作七律二首詠五畝園

初十日釐員王仲衡同年來談其家在深州附郭饒陽縣吾鄉
葉梨軒袁景生兩大令先後任是邑有惠政皆我故人也作
七律二首

十一日作七律二首疊前韵

十二日銅井來談極久攜贈陳伯潛前輩滄趣間詩一冊皆游
歷海南諸島之作言邱叔園甚貧又有題黃公度同年遺集

詩我友逝矣尚未知也綏遠城將軍貽穀號謫人亦京邸故人也由詞林出鎮邊圉督辦蒙盟以侵蝕貪冒為副都統文哲琿所刻定與相國偕侍郎紹英往查辦得實坐以二誤四大罪拿問監進以得保首領為幸又謠傳母子皆自裁傷哉國法雖有常典愴念平生亦烏能已訂交在其通籍時似亦一安詳雅飭之士何至於此

十三日馮欣侯來未見伯淵之子也以父命求題諸暨傅氏梅嶺課子圖並留已刻題詞一冊其鄉人王子獻蔡鶴鵬諸君皆有珠玉在前又傅氏同聲集二冊傅振湘楚帆傅振海晚淵著課子圖即其父江皋明經之庭訓也作七律二首

十四日嚴紫卿廉訪自錫山來出江陰余氏家譜一冊求序十七日校潘文勤師東陵日記窮一日之力繼燭始畢此書

與秦輔海陽不同 東陵二字即應三握書中單雙三握櫛
比鱗次須變通刻例用年譜之式行空二格

二十日得仲午書願為鄙人刻書司收發並願墊刻資其意似
欲任棗梨之責高誼可感今無其人矣拙橐扁置篋中已久
所以不即付雕者正以鉅款難籌耳在隴搏節預儲幸粗可
集事不敢以此累人也前仲午寄示蔡元長趙瞻碑元度熊
本碑各一通文勤師舊藏也皆有師手跋趙碑余亦有兩通
惟熊碑孫趙兩家均未著錄雖以藐風收藏之富亦未見可
知其難得矣今日出以摩挲試臨六十餘字並據以補諸石
一則

廿二日雇舟進城至五畝園宿與鄉脚夜談聞錢乙生明經作
古不禁憮然前段韋君繡詩集尚在付鈔已不及見還航矣

廿三日沈綏成偕存古協校孫受之

名德

來未見徐稚園來送

承攬前定行款以貴池劉氏叢書為藍本今嫌其太密改用
蕢風金石目午後赴存古學堂與叔彥會商校事第一次到
堂也其地與滄浪亭對宇即從前學古堂舊址頗有園池之
勝應太守李中名德閣先出見應敬齋方伯之子也又見算
學總校陳思九志堅亦舊識綏成以通鑑輯覽為陋服膺馬
氏緹史欲定為課本又遞及尚史路史不禁錯愕羅泌荒誕
近小說家緹史雖好書所紀皆上古事其體裁亦為紀事本
末類不可以代輯覽讀史先求通歷史大略三通鑑卷帙煩
夥不能不擇一節本節本之中與其用鳳洲綱鑑易知錄尚
不如輯覽之為善也聚談至黃昏始散

廿九日已刺下船四點鐘到濱作五古一首

五月

初三日得仲午函文勤師東西陵日記四冊為西齋乾沒今其子以原素返璧即日付梓讀者得窺全豹可喜也

初六日存古學堂講義昨日先草創義例劉子元所舉六家提要史部十五類可各作一首又可仿史通之例以兩字為題約得二十目史通所言者作史之法不佞所言者讀史之法每一篇成舉示學者合之即成為一書今日先作第一首曰流別

初八日銜君繡在山草堂集由頌青轉付寫官共兩卷僅一萬一千零五字酬以洋一元

初十日史學講義第二首曰條例屬索未就

十一日續成講義條例一篇燈下寫大順三年梨園鎮經幢一

通畢共五紙

十三日已刻進城仍至五畝園宿

十七日至學堂參考書目擇鄭將所著未刻之稿自行增入各條之下不知此目以示學生非琅邪藝文志不便奮筆刪之又慮為分謗定哀之間多微詞竊援此例附一跋於後十九日得仲午書為轉段得鄭子尹巢經巢詩鈔內吹角填漢盧豐碑歌一首可補正語石謫闕此一軌雖微生之贐千金不啻矣

廿四日過午下船五鐘到濱

廿六日得相緣函言襄陽錢仲選大令赴都謁選得湖南平江縣回里赴任道出吳門宿其齋一日甚念鄙人以葉字元押寄貽猶憶廿年前在都門物色麻肆不可得建霞為仿刻一

押聯以慰情今以垂暮之年得親真品良友之贈可感可佩
廿八日據鄭子尹盧豐碑石歌補語石貴州一則

廿九日叔彥所著禮經校釋經陳中丞奏呈 御覽請賞清銜
先奉旨交南書房閱看今日 特旨賞翰林院編修不意名
字一開竟打不破

六月

初六日閔邵抄湘撫岑中丞為王益吾前輩奏進所著書四種
賞內閣學士銜以名山之業為弋取崇銜之具稽古殊榮實
獨一桓生哉

初九日作余氏家譜序

初十日得仲午函贈巴縣木洞鎮慈光寺經幢一通宋淳化二
年立頗難得惟篋中已有鈍齋所貽一通

十四日昂青鈔未刻在銅井園中話別又以柳公綽請葛武侯
廟碑一通及巢經巢遺集四冊見貽文五卷詩四卷皆成都
續梓初刻正集所遺者簿暮始行觴黃昏歸客坐即校邗師
書室從前與操菽共研於此者數載登樓一望山色依然而
師友宿草已久鴻爪重尋不勝慨歎

廿五日寫官朱亦懷來揭抄本文東甲乙事案兩冊見示後附
嘉定縣乙酉紀事縣廩生朱子素九初氏著如無刻本亦存
海閒秘史留之

七月

初一日汪伯春遺伴賁函饒水榻瘞鶴銘舊本未裱裝一匣陸
叔平山水一軸均未收收初印胡刻文選一部二函明宏治
刻元遺山詩四冊有袁又愷五硯樓及沈約初孝廉藏印

初二日晨仲侯有急足來亟披函則三妹舊病舉發已在彌留
促愚夫婦速進城心知其有喪偕內人登舟午後三鐘陸升
迎於棗市橋言三妹果已於今晨卯刻去世何其驟也老年
兄妹一旦長離肝腸摧絕催舟速行從花橋登岸與仲侯相
持大慟衣衾棺木附身之具均已製備天暑即於黃昏小斂
自二弟作古同懷惟有女弟三人三妹最長持家接物能識
大體夙嫻閨誡戚黨稱賢悻獨餘年方期以身後相付託豈
知先我而逝能不痛哉夜即留宿其家淚痕漬枕亦不能寐
初四日三妹大斂俗例喪家大斂後如不歸須過壽回之期勢
難久待二弟婦昨日來留此照料室人住鄉鄉處余至五畝
園下榻

初五日雇舟泊崇真橋室人先下船余繼至三鐘到漬

初九日潘文勤師東陵日記前校付仲午後又檢出西陵一冊
另繕清彙寄示東閣已久今日始力疾校西陵一冊畢

十一日得仲午函寄來新刊語石紅樣分行布字勻淨有餘瘦
硬不足以文喻之如圖熟考卷無可欣賞處亦無可指摘處
此事雖小道亦關氣運欲求如顧澗蘋校刊古籍時江甯劉
氏昆仲豈可得哉

十八日閔邵抄裴伯謙有釋回之 詔趙子固落水蘭亭與文
敏十札將如明妃之復歸漢家不至流落紫臺矣

八月

十六日進城仍至仲侯處下榻不見三妹惟有憑棺一慟

十七日至西街曹氏見叔彥談極久攜歸敬吾心室識篆圖兩
巨冊朱竹石方伯所貽也皆其世父建卿先生所藏彝器拓

本都凡三百六十四器開卷阮文達湯文端兩公各題款吾
心室彝器款識八字阮分書湯隸楷繼以圖兩幀一為戴文
節一為查青華未詳又繼以李芝齡宗昉張叔未葉東卿諸
公題識陳問山昆玉宋戴公戈歌此冊今在浹陽尚書所方
伯段歸付石印

二十日得叔朋書以自書楹帖一屏四幅見貽聯八分屏古箱
下筆頗不俗不見二十年固當刮目又示鄧尉紀游詩一冊
贈永安巷宋塲拓本共兩孰面背有字今年八月重建太平
橋在辦蓮巷口出土其文云皇宋熈寧六年歲次己亥八月
癸酉朔念三日戊申是日興工焚砌自吉利橋至版寮巷口
街一迤募到東施主錢未砌造後一行幹緣勾當頭陀薛了
成元係大趙廂橋番其次為副幹緣都勸緣兩行以上共刻

一面此外兩面皆捨錢人姓氏一面僅永安巷三字

九月

初一日得佩鶴都門一紙並六十自壽詩七律十六首單元寂
寞情見乎詞

初九日重陽佳節思親養病未嘗窺戶違言登高

初十日致仲侯一函詠招招之詩鎖戶養病已兩月同室皆病
拂鬱滋甚非出游無以陶寫矣

十二日誦範專足自城來貴到佩公葵初楹聯各一緘悻一祝
敬四元不勝駭汗不佞處人生之極艱畏人稱壽亦不敢以
不祥之身附稱觴之列是以佩公今夏六十慶辰未嘗以片
曝先施今乃不遺在遠飾娛母以鉛華媿何如矣聯有款不
敢卻壁其餘並致誦範一紙剴切告之又得仲侯函應定常

熟船一艘首尾六日價洋八元二角明晨到濟

十三日仲侯所雇舟近午來飯後偕星臺登舟莫至衆市橋泊
十四日移舟泊閤門外太子碼頭登岸訪叔彥求診於智涵午
後即放棹過齊女門行十里至陸墓鎮宿與星臺登岸信步
行約半里南北街長有二三里煙戶亦稠密然貿易遠不如
濟上之繁盛

十五日平明開船六里過蠡口僕人登岸買魚蔬據云邨店無
多家午刻過洪塔自蘇至常路得半再北為張家澗再北為
白密距海虞僅九里矣五鐘過永濟橋至南門泊距翼京門
僅數武與星臺進城行半里衢市尚整潔市蕉黃兩枚今日
為我生初度之辰六十平頭童年羸弱始願所不及此修名
不立門祚餒而無以見先人於地下此則撫心滋疚者耳

十六日竟日雨午前遣奴子至王翰臣處則父子皆出游矣又往蹤跡張仲履已遷居辛家街即在南門內半里俄以肩輿來即冒雨進城至其寓不見已踰二十年年四十六矣老母尚在堂亦無子僅有一胞弟奉母居鄉出其先人純卿先生知退齋文集見贈並徵序共七卷補遺一冊咸豐辛酉安慶乞師迎師日記一冊告以遊山求先導並屬相宅本山桂花栗新上市出以餉客香輦適口不覺過飽歸舟即減餐

十七日陰雨游興索然日加已始起推遲視雲氣濃厚密雨猶如散絲也先以一函約張仲履同往相宅而仲履午後遣舟言相宅非一處必先函約其居停請遲一日告以天霽先游山再定約送客後即移舟繞大小兩東門至菱蕩堰綠浮水面萍藻交繁尚有鮮菱可採蠅牆瓦屋臨水成村即泊於樹

陰之下前一木橋過橋即進北門甚荒涼門額曰鎮江與星
台登岸至孫家祠堂邨人於此設茶寮小有花木泉石即於
池畔滄茗坐談薄莫歸舟

十八日清晨推枕視旭日滿窗胸中亦如宿霧之盡掃豁然開
朗盥沐未畢興夫已交關於岸未午即飽餐先以一函送王
翰臣寓告泊所又致仲履一函即與星台坐筍輿入山海虞
人謂之扒山虎以繩貫板以板橫肩輿漬上山轎用杠者不
同先至維摩寺高出山半迤邐登山循桃源洞石華澗而上
瀑布飛流泉鳴谷應下視大江輪煙一縷隱約可覩狼山三
峯蒼翠亦在有無間梵宇營繕似未久丹堊尚新應真十八
尊者亦未加米繪禪室有樓上奉山主直隸河間景州牧屈
成霖號青巖神位稍憩下山至破山興福寺山徑窈而曲如

往而復山門外有兩磐陀過此皆碎石華確基布瓦列雨後
澗泉交注灌輸其閒偏山皆如溝塹土人謂之破龍澗澗盡
有小橋度橋即至寺門門外兩唐幢對峙一金貞書一陸康
書早有拓本略一摩挲幢下兩蓮花座上層刻蟠螭下層刻
狻猊兩石製作略同即此可知為一時刻山門題毘尼法界
額左右一聯曰山河天眼裏世界法身中下題松泉日暉憶
似畫禪寺僧也圓寂久矣先至丈室小憩繼由四高僧祠登
教虎閣四僧負牆立象下承雲氣皆作五采一僧龐眉皓首
一僧面深赭一僧清癯如寒士一僧如火頭全剛中眉努目
瞻仰既畢即登樓窗外俯瞰白龍池池上老檜三株婆娑有
生意對面高峰樹木葱蔚灌莽陰森蒼秀奇古始知常少尉
曲徑通幽處禪房花木深一幽字一深字真傳神之筆陳子

準所藏書早知無一冊不再求津逮矣閣左為龍神殿大殿之右為君子泉一小小方塘耳浮藻濃鋪不見潭影泉上為廉飲堂視日影已加申即循廊出偏觀內外壁間石刻常少尉詩最古書者米南宮刻者言太守如泗已在乾隆中葉且未必真跡乾隆癸未重修記顧鎮文邵齋然書雖近刻此筋桀結通肖李北海直可退贗未而乙之其次則吳越忠懿國王造銅阿育王舍利塔記萬曆丁巳孟夏佛降生日慈山沙門德清書于毘陵道中之三里庵慈山為蒙叟本師亦名筆也又其次為崇禎壬申孟夏誰垢居士魏浣初高林庵記屢炳書其餘萬曆三碑一為重建四高僧祠記章有成文呂元偉書一為重修殿堂續記庚申立春日住山沙門法乘文黃鶴道人呂遠書額題一燈續焰四字一為破山寺碑甲辰間

九月東海屠隆緯文士子中秋日郢人李維柱篆額并書丹
此碑分幾列刻下二列又有李維柱自跋篆叟一跋題名處
錢謙益上二字已椎去矣其餘皆捐田記免役帖之類不足
錄最後至三峰清涼寺路稍平來意欲見藥龕師飽餐香積
廚豈知所至之處無一縑流出遂自去自來煮茗清談而已
有童子出應客問藥龕師云在城中下院年八十六矣問尚
雙鑠否答曰山遠凶遠虞之土音猶言健甚也洵其導登聞
思閣望江寺在山麓地較低又隔以叢樹轉不如維摩道中
之瞭然在目補壁皆瓶生師筆三十年前老師翁趙一聯尚
在侍函文十年從未知吾師擅長繪事今壁間得見花卉四
幅然荷花題詩有云黃鸝紫鳳嬌欲舞瑤姬素女粉相迎粉
字富為紛之誤水仙一幀碧雲隔斷塵凡路下句又用塵寰

二字下應字疑當爲人之駁文瓶師何以出此不敢信樓上
下幾架環列皆度梵乘問童子有語錄詩集付梓否則領其
首臨行留一刺屬交師告曰三十年前曾到之一少年今觀
河面皺皴然一吏矣師尚憶之否石刻無明以前物惟潘子
安傳一石子安名瓚汪應銓撰下爲捨田飯僧記趙貴樸文
此山之護法也寫作粗可觀山門內庭中有巨鐘一口以手
撫之高過於頂周圍環刻妙法蓮華經全部陰文密行細字
康熙四年乙巳仲秋督理蘇松常鎮糧儲右參政盧紘發心
鐫筆畫清朗製作精工在彼教中功德无量自此下山即履
平地兩旁松樹成林不見天日墓門祠堂綽楔絡繹不絕於
道題字皆五色相間成文蓋此間風俗如此半塗在興福寺
第一重山門外停輿片刻始知由此登山爲興福初地自維

摩而往者其表徑也宜其偏仄難行矣歸舟天已抵莫知仲履曾來相左半日之游尚不甚憊與人又呂劍門拂水諸勝為言心嚮往之而濟勝無具謝不敏矣

十九日晨仲履以函來言水北門外有一宅若移舟泊弔橋畔登岸不數步即至然離市遠無肴蔬稍泊再移舟返南門泊木橋之西取岸遣僕告仲履午後呂兩肩輿來至則同登岸進南門出鎮海門人言地小不足回旋其實南北穿城亦足有三四里也居停強姓已無男子大門內使室一間即為大廳廳左右書室各一間右室寬朗倍於左各有套房則款隘甚不見日色上房三棟東西各一廂左樓房一進上下十間庖福在外締構尚新窗牖牆檻精潔爽塏惟院落較小無曠疎處形勢華雜似弧三角與形家言恐不合稍坐進城看第

二宅先至茶寮約一龔姓牙人同至其地前門為陶家巷後為道前街房主沈姓誦唐之族也今由陸姓轉與惟洋樓上下六間一早船尚可觀餘屋雖多苟完苟美視強姓所居遜降不僅一等時已莫先歸舟仲履旋來並餽本山桂栗一大囊又香梗米約兩斗松菌一瓶

二十日暮騰竟日雨幸即放棹歸不登岸黎明開船已初即過張家澱午初過洪塔東北風不甚勁挂帆代艣徐徐行至四點鐘始達蠡口雨中望岸上市廛雖稀民居尚衛宇相接南北約不踰一里又六里即抵陸墓宿來時泊安國橋北今泊橋南

廿一日黎明放舟枕上聞市聲知到齊女門矣俄即至閘門仍泊太子馬頭已刻解維與星台同返午過橫塘風勁帆飽但

聞水聲瀾瀾頃刻即過東西跨塘到瀆僅兩點鐘耳

廿二日閱申報連日記楊華伯觀察以持槍糾黨至吳子和家
搶妓為瑞方伯嚴辦詳由督撫會銜奏參革職永不敘用不
准逗留省垣驅逐回常熟原籍交地方官嚴加管束如再不
知敎迹干預公事再行按照所犯治罪從來紳士獲咎未有
如此之齷齪者況曾列諫垣詞館者乎人言嘖嘖皆云受蔡
人王阿松之賄二十元奪合浦雙珠還贖此大獄斯文埽地
廉恥埽地至於此極士大夫與有辱焉聞孫仲容徵君作古
海內故交零落殆盡孫君尤當代經師禮堂長暮可勝悼哉
廿三日得仲午函寄示度曲須知一冊松陵適軒主人沈寵綏
君徵著前有崇禎己卯沈自序茂苑顧允升賜甫松陵張培
道叔賢較鵠雖游菰之書出於鄉先哲世間刻本流傳恐無

幾矣

廿六日得仲午函以羅湖野錄二冊見示宋僧晚瑩撰前有自序題紹興乙亥十月望日湖隱堂釋氏子晚瑩敘後有紹興庚辰十月二十日毗陵無着道人妙松跋每半葉十一行行二十字行間眉上有日本和文塗乙面葉亦東洋裝然摩挲紙墨竟是宋刻或元明印或明朝翻宋刻均未定

廿八日昨仲午函言拙詩皆曼倩之設謔題目如圓明園之類尚嫌其說破知言哉助我啟予不當如是邪作二詩謝之

十月

初七日重改定詩謔題如甲午三忠弔劉葆真之類顯然揭破與謔字宗旨背馳者盡易之刪去慎刑司銀臺二首

廿二日得星台書並以京都要電相告 皇太后懿旨醇親王

載灃授為攝政王其子溥儀着在宮內教養並在上書房讀書欽此又聞 皇上便祕九日甫解 聖躬不豫又有 詔查登極典禮之說

廿四日得星台函言昨日喧傳晏駕覓得時報閱之載 慈禧皇太后懿旨大略云今上已崩醇親王之子溥儀年三歲入承大統承繼穆宗為後兼祧大行皇帝以攝政王監國軍國大事秉予之訓奉行又 上諭 慈禧皇太后尊為 太皇太后 兼祧皇后尊為皇太后又北京專電 大行皇帝廿一日酉刻崩 太皇太后廿二日未刻崩噩耗已確惶駭無地 大行皇帝病在彌留溥儀臣民已不忍聞馮几之末命至於 太皇太后初未聞 聖躬不豫不先不後 龍馭同時上賓地坼天崩杞人之憂奚極小臣忝塵朝列曾荷 聖

恩自放顛涯攀鼎湖而莫及北向長號慟何能已

廿五日得星臺函言 大行太皇太后哀詔已頒通電之處即於電旨到日舉哀更素上海廿三日吏民即哭臨各國領事署及銀行皆下半旗蘇州省城僅摘纓未成禮

廿六日又得星臺函各學堂生徒皆給假七日隨同舉哀

廿八日訪銅井父子久談見杜東原山水立軸自題一絕云雲深山更窅路曲水還迂野客過橋去他家欲借書成化二年九月既望書於水竹村鹿冠杜瓊攜歸惠元龍先生及仲孺學士定宇徵君三世手札並有袁又辛所摹傳經圖其後裔惠經畬所屬題也

三十日得康吉函告皖省兵變炮兵步兵兩營同時發難戕營官陳昂塘城關下鍵藥庫被劫城兵與兵輪三艘會勦亂兵

潰散有重兵鎮壓可無虞滋蔓其詳亦見今日申報國有大喪人心思亂漆室之憂奚極

十一月

初六日閏邸抄 嗣皇帝初九日登極明年改元宣統又申報載皖匪隊官熊成基黨首也皖撫懸賞二千五百金通緝初七日晚航星臺函來寄新抄因學紀聞吏部內二卷轉洩其友所鈔尚以南郭濫等自責使受人之訛者盡如此此世界何至淪胥不返不佞又何至避人若浼哉

十一日在隴舊一猿雖氄毛甚畏冷隆冬塞向墜戶嚮大禦寒夜卧熱炕與人同攜歸兩載矣以為南方地煖可永天年豈知天時地氣皆不服冬無火爐以舊氈棉絮與之裂輒寸寸斷草窩亦頃刻撕盡又善怒動輒噬人無敢狎者去冬即以

中寒損一足今年冬初驟冷遂病以薑附餌之稍瘳至今日
遂長逝推帷蓋之義命奴子攜鍤覓村外叢冢開曠土掘深
坎瘞之

十二日得鳳公一函諷出山言廣雅在朝脫穎而出必可得意
知其為總裁 實錄求助也中書君亮矣雖欲拂拭而用之
如棄材何閔邸抄見 登極詔申明 大行皇帝立憲之諭
十四日夜得康吉函有人以醴泉舊拓本及興福寺碑請跋來
問津未見原本從何參贊興福寺有兩本未知其為半截碑
抑張從申所書也

十六日燈下取仲午所示宋僧曉瑩羅湖野錄閱之作兩跋此
書 四庫著錄惟提要誤兩卷為四卷明徐興公紅雨樓書
目亦著錄陸存齋觀察貽宋樓目僅據一鈔本則舊槧之不

易得可知矣

十七日昨告康吉興福寺兩碑枕上忽省張司直所書過是福興寺碑非興福也師丹健忘復作一函舉正之

十九日早餐後下船午後兩鐘抵胥門三鐘進閤門四鐘抵花橋泊即雇肩輿至皮市舟中作幾希野人引一首諷世乎自警爾

廿二日今年在五畝園餐宿此教育公益之地不可以默爾以五十元助經費入此歲來困於教學困於校字困於醫藥吟事久廢爨下所畜一猿月之十一日化去欲賦詩誄之而未果今晚始得五絕句錄於左

廿八日未及早餐即下船臨行致仲午一緘報告詩譏核計字一萬五千四百有奇一鐘出閤門細雨如絲過三鐘漸放點

幸已到西跨塘離潰僅六七里未幾即抵岸行篋尚不至淋漓

十二月

十三日閑邸抄項城放歸冰山倒矣

十八日得仲午函言郡紳為諮議局事聚訟詠春主甯蘇分設李和主合設附和合設者甚多推其意可不受蘇撫之監督道途跋涉年高資深者未必到可以獨斷又可以甯紳為推託皆私見也

十九日昨雇定一舟稍大早餐後即下船東南頂風一鐘始達橫塘風益狂又為輪艘所阻四鐘始進盤門泊新橋巷女魯濟堂馬頭四十年前讀書之地即宿舟中不登岸

廿一日晨未起張仲履有函來進其僕而問之言與苦里瞿良

士同至瀆川見訪相左

良士名政甲為清之文之幼子也

又在城中遍問訊

始得泊舟之所聞兩君泊閭門外即告其使約移舟往夜談

薄暮解纜出閭門至太子馬頭與虞山來船同泊登舟見仲

履良士猶憶丙子秋在吾里良士長與索等乳名曰良保今

頽然長矣英氣勃勃勝於兩兄瞿氏為有後矣其來意以午

帥與南皮相國徵其家藏書入京師圖書館其鄉曾孟樸孝

廉及寓公宗子戴

在午帥幕府亦舊交也

皆至吾里游說近午帥并有

兩電嚴催保守祖澤保守國粹獎勵之不暇而乃以催科為

政乎賢者必不至此為之俵者恐不僅曾戴兩公也龐劍堂

邵伯英諸公已有公函達京師緩頰伯英並有專函上午帥

不佞久不預外事姑允作一函告鳳石蔚若商之良士又贈

其家藏書目一部又家集兩種合一冊一為吹月填詞館稿

瞿銘堅夢香著其曾祖行一為鐵槩銅劍樓詞即其祖子雍
先生作也仲履言趙弄楊氏百緣四千元或可與約明春往
相宅

廿二日黎明開船及起早餐已至西跨塘橋矣午前到濱

廿四日朱竹石觀察兩使來開門納之啓函則轉遞于帥一密
電洋洋數百言為鐵琴銅劍樓藏書宗子戴曾孟樸先後往
不能得要領又聞良士來蘇以為就不佞商榷恐更生阻力
為此先發制人之計其言咄咄可畏作作有芒不佞度龍歸
來未嘗重叩琅嬛良士之來在二十日舟中相見在廿二日
而甯垣已如燭照不惟有張且有謀矣此電甯垣今晨拍發
而當夜即到濱川可謂神速不佞空山一老何敢與制府抗
蘇章借故人以立威流為于禁源懷文章道義之交亦安足

恃敢不惟命是聽允即日作函招良士並就銓下詳悉作一書告朱觀察請先行轉達巧偷豪奪出於巖巖具瞻之臣尚言立憲哉諸公猶斷斷爭諮議局甯蘇之分合哉

廿五日昨宵雞初鳴時鐘聲欲動所謂平旦之氣也良士保守祖澤即保守國粹瞿氏有此佳子弟賢於陸純敏遠矣其來也求不佞解圍而轉為當途游說何以對其父兄首鼠兩端柔則茹之剛則吐之何以見虞山父老思之思之泚然汗下即振筆書一復電辭午帥雖直告之尚有違詞今日本擬至銅井處問疾即冒雨攜電稿往質之歸後又刪定共四百十餘字

廿六日晨起聞昨宵張常卿家盜警三十年前曾有劫紫海關相忘安居已久此次盜賊七艘自湖中來胥口駐防槍船二

聞風已先逸礮艇一無弁僅有勇七人挺身出禦傷二人其一創重將斃鄰村聞鳴鐘聲以為火警蜂擁而至盜以一人守隘槍聲發皆返奔常卿家油米酒棧雇傭亦有百餘人噤不敢出關前日至其家相宅尚言此輩健兒緩急可恃盜所以不敢窺胥口豈知市井之徒固不足用鉏耰棘矜亦不足以撻堅兵也荏苒披猖至此能無滋懼雖然彼盜亦赤子耳迫於飢寒銳而走險冒不韙之名曰盜滔滔者孰非盜哉但竊鉤者誅耳午後繕甯垣復電清稿又革竹石師一函

廿七日陸升進城帶去竹石師一函附復午帥密電一通請譯發

廿八日得朱觀察二函一函寄航先發後到後一函專人來並資示宗子戴太守致俞階青太史函言旬齋制府新正初七

日到蘇垣約不佞往談初六以小輪來近此不可辭即復書
允之並告以扁舟可達敬謝輪送又得星台一函寄李思訓
碑已為諧直二十元得之雖非高價殘年多病伴我青甕能
有幾日況無付託之人有之巧偷豪奪亦適為後人之累清
明上河圖前車可鑒非所願也

三十日午後設影堂年例封井接窰

巳酉正月

元旦日午後至河干遠眺峯頭積雪未融而林壑開朗雪後祥
曦綉川照野 冲聖臨朝 公旦負康氣象更新草野老民
拭目以瞻太平之治

初二日午帥之電不可不告良士去年除夕草一函今日遣窰
下養到蘇附小輪至虞山送菰里附往來電二通外再以朱

觀察廿七函示之

初五日聞胥口劫案其黨因分贓構怨首告已得主名為之魁者清鄉局武弁方壽山也又有隊官某在橫扇江名被獲清鄉局所以捕盜乃反為盜方弁本紅幫頭目瑞方伯使貪使詐倚之如左右手豈知其擁虎自衛哉竈僮自菰里歸賁至良士回書言去年自蘇舟旋甯垣已派趙穆士到鄉密查有無東輸之事其實良士保守先澤局鐫甚嚴市虎流言焚聽可畏午帥與南皮相國有鑑於頤宋樓保全國粹心亦無他而不知良士之非陸純敏也李玉舟邵伯英兩君已公函保其永無輸出東人覬覦庶可稍戢未始非福

初六日買舟進城聞午帥今晚到蘇朱觀察病今夕亦未能見客遂未登岸

初七日登岸先拜朱觀察則已出謁制帥矣至行臺午帥亦出其間人云造舟次先施又赴撫轅宴未必能即歸遂至皮墅見仲侯稍憩即有號房來投刺言午帥席散後即至問停橈何所舟小不可以會客告以此間即可小憩櫺帷由德律風往告三鍾始來十年不見髣髴蒼然矣書畫金石圖籍之外公事私事無一語諄諄以鐵琴銅劍樓為託冀言直言皆充耳不聞笑而允之此事求者如小兒之索乳拒者如執玉奉盈兢兢不敢失墜輸攻墨守恐有大衝突甚可慮也

初九日端午帥餽漢瓦當兩種拓本一為郃字瓦言郃塢故物一為益延壽宮瓦石印宋拓華山碑二冊一長垣本一華陰本敬吾心室識篆圖二冊即朱觀察所印者也

十二日旁午仲侯自城中來與卿星台皆附舟至出新得雲麾

共賞並出石印劉氏宋拓本西安所得舊拓本共三本對勘
原碑每行新得本溢出二三字至六七字不等碑末魏州刺
史李邕文并書楚厚追刻十三字則兩本皆無之始知西安
本亦是乾嘉間拓至石印所謂宋拓及王鳳洲翁覃谿跋者
竟是一翻本集賢院賢字篆成斷筆彷彿資字尋拜右羽林
衛大將軍拜字改為科字甚清朗此足為重開之證其餘如
德字文中最多筆勢飛舞蜿蜒起伏之迹皆有斧鑿可尋神
理亦全失迺知享帚之習前賢不免況藏此帖者本非能鑒
別者哉然刑器有典之器字兩本皆有而新得本獨缺意者
為裴池家所脫落歟

十四日得雅賓師函寄貽先德叔濤先生慊齋詩文一冊又永
詩師德配韓恭人選錄齋詩詞一冊

廿七日作五古一首題惠氏傳經圖

廿八日作七律兩首題林雲棧遺照

二月

初二日天池掃墓得七律二首

初四日日晡罟里瞿良士自光福歸過訪夜飯後復登岸談極久攜張南祇新刊佚叢甲集四冊見貽一為牧齋集外詩後附河東君詩一為吾炙集亦牧翁選定同時諸子之作一為翁孺素蘭集一為龍川集李晴峯著此四家不倫不類要之其人皆不可湔洗之紫張君棠而刻之亦可謂好奇矣

初六日得七律二首贈瞿良士

初七日得張仲履函約三月作虞山之游兼相宅疊韻贈良士
初八日得七律二首述懷

初九日得七律二首曰 橋山詞

十三日作劉叔濤先生家傳去年永詩師函來屬撰

十四日得七律二首記紫石山展墓

十五日作劉太師母荆夫人家傳一首亦永詩師所命也昨晨即命筆今晚始脫彙視前傳稍可觀

十八日此半月內料理積牘埋頭伏案小學生無如也今日休息然燈下猶誦東湖詩一卷

廿二日上城遊罷已刻開船風靜水平緣行甚速三點鐘即抵閩門至五畝園宿

廿三日午後偕鄉至準提庵訪古由門而殿而文室共三層大室有樓伏以兩廡雖非精舍尚可安禪右為樂靜軒淪為庖馫然中龕尚在供唐解元及文祝兩先生栗主觀壁間石

刻弘治乙丑唐子畏桃花庵歌嘉慶庚申唐陶山重建祠宇
記孫徽隱文王夢樓書後有陶山自跋門外有楊忠節遺象
上刻太倉王揆贊亦嘉慶間刻而嵇紹之嵇誤作稽字歸塗
經寶華庵與梁高士祠為鄰前有方池上架小橋軒窗臨水
頗饒幽趣

廿四日官紳公祭范文正祠由詠春舫議請中丞親臨主祭藉
以風厲末俗維繫世道晨起盥沐後即冒雨赴之官場自中
丞以下皆集郡紳惟研老緝老稚師相緣同年未到並有腐
公來助祭與褚伯約前輩談最久別將十年矣

廿八日朱竹石師函來送至端午橋制帥電為黃仲弼前輩編
刻遺文詢有無投贈詩文及往來函牘即先復竹老一紙
廿九日雇舟返瀆

閏月

初四日作七律四首記祭范祠

初五日作五律二首記游準提庵

初十日得仲午書仲弢克鼎釋一通共分四條中雜以篆籀文非寫官所能造錄仲午手自寫出可敬亦可感也去歲九秋偕星台游虞山得古今體詩十首儲之腹笥月朔自城中歸始錄出清彙為時過久不復能追憶稍稍補綴增損錄之十一日寄芸巢一函以范祠七律四首就正並索和

十二日寄朱觀察一緘附去甸齋制帥函克鼎釋一通請轉遞甯垣得瞿良士函寄贈秋影樓詩鈔一冊汪繹東山著康熙中狀元也又海虞文徵一部共十六冊邵伯英前輩所輯作七絕四首題傳江峯梅嶺探子圖

十九日得叔彥函言仲弢著有尚書今古文篇目攷極精確在日本時曾與東人士論宗教推明孔氏累數千言未知其稿存否當轉告溁陽尚書

廿一日午後取錢伯英所屬直廬問寢圖及高廟御製詩卷
國恩家慶想見昇平盛事正誦梅邨簫史青門曲雁門尚書行諸篇哀感頑豔悽入心脾俯仰盛衰天壤懸絕不禁三歎

廿三日作長歌一首題直廬問寢圖

廿七日得雅賓師函從芸巢處見拙作范祠四律見獵心喜步原韻見贈觸動詩興取前日所作長歌略增損之共三十二韻

廿九日仲午寄來第二次修樣於是工全歲矣溯自客夏付雕

已將匝歲非仲午之力不至此

三月

初二日進城至五畝園下榻

初四日 先大夫八十冥誕在畫禪寺延僧十衆誦大悲懺竟日

初十日偕鄉紳同下鄉

十一日未進城之前曾與銅井約歸後游鳳巢不敢爽約午後偕鄉紳赴之豈知已迫不及待蓋與在途矣回至其齋中略坐同入山山脈自堯峰而東自潰至其麓約四里登山約一里強一伽藍在山塢後枕高岡東西環抱形勢殊勝庵中無僧侶僅有一村農司香火高門而出即在山下操畚鍤與夫自山頂呼之衆風戢響聞聲奔至啟鎗導客入山門外石埭

中一泉甚澄澈其味甘冽題曰獅乳泉細審其石頗似蹲獅
首尾崢嶸四足跑地泉從腹下流出蓋象形也拾松柴烹之
自攜茗茗淪飲庵屋共十餘椽大殿右有精舍五楹据云終
年人跡不到吳巢松先生曾於此棲隱雖非桃源亦庶幾遇
人之地矣坐談至一時之久始下山距山麓數十武有破剎
入而瞻眺殿之右廡破屋三間內供小浮山人栗主一僧襪
襪如白室中几案皆折腳不堪久坐即出門望吳區波光一
白風帆出沒從峯隙中見之銅井先歸余偕解卿迂道至先
塋查視籬椿一周即返日色尚未曛也得瞿良士函傳示浚
陽尚書致虞山紳士一電云瞿氏書籍歸公俟帝室圖書館
成立當贊成與學部諸君同聞歡喜讚歎莫可名言圖書館
在靜業湖上月內即可入奏先此電謝云云此真強硬手段

也虞山諸公揖讓而成之非鄙人所敢與聞

十五日晚航得朱竹石觀察訃自城中歸時聞竹老病稍瘳適於昨日已刻遽不起十七日已刻大斂不能不臨其喪即呼奴子往雇舟適居空谷依然不能避置如竹老之解脫人以爲悲我以為可羨也

十六日午後下舟五點鐘進閘門先泊桃花橋訪叔彥長談至暮移泊單家橋宿舟中

十七日黎明即起盥沐泊處距牙釐局僅十餘武侯至九點鐘見吊者絡繹過即往唁周旋畢即返舟時尚早命解纜出閘門改道由渡僧橋游西園戒幢律寺寺在上下津橋之間密通婁園土木之工尚未竣工匠雲集入門甬道兩旁籬墻甚密排列冬青樹至不留隙地一齋堂南向西偏墜五百應真

象裝金者未及半中為四面千手觀音象工程甚鉅據聞每一尊裝金五十元塑工尚不在內歷級而升供三世佛聞梵誦聲知有道場即出再至方丈略一瞻眺見游方僧往來如市巡警多名內外通察不知清靜寂寞之場安所不虞而備之又未知如此鉅工當此佛教流夷之際何從得此檀施也出山門折而西牆上有戶通行路上刻四字曰西園一角其內為放生園主僕兩人付游資六銅元即可入內一池袤延甚廣魚鼈之屬撥刺有聲面池建駕鸞廳甚鉅麗四周皆琉璃窓對面高處供蓮池大師象從假山中高下登陀繞行一遍即歸舟移泊楓橋下游寒山寺此寺毀於靖寇余未歸里時尚一片瓦礫光緒丙午陳小石制帥撫吳始募僚友重建並重鑄一鐘寺僧浙人也號雲山肅客入甚足恭並陳茶果

一見即請布金為助喃喃不已並為余誦唐張繼詩及言文待詔舊碣詢以寒山拾得事則語焉不詳因笑語之曰僕不能為檀施敬以小洋四圓為贈聊供肉一觔酒一壺可乎即起至對面廊下觀文待詔石刻已殘破以碎石嵌置壁間其所書即張繼詩也一石下署唐寅其為詩歟文歟則未詳也惟院中照牆上嵌橫石題寒拾遺踪四字尚完好崇禎五年冬姚希孟題章美書住持清明立閨日本人嘗到此訪古所見不遠所聞想同此況味既下舟即由西津橋過支硎山浜出下沙塘返濱登岸時將暮矣此路從前進城所未經水窗憑眺足資探討

四月

初二日拙叢藏書紀事詩編輯待訂本非定叢叢建霞攜至湘

中遽以上本其中引書踏駁前後顛倒不但亥豕之迷目也
自語石付刊即欲改正以次命梓人重刻苦無暇日前數日
始力疾從事至今日第一卷畢如方漸為南渡前後人郭延
澤杜鼎昇皆宋初人而原刻次於天水之末又誤延澤為延
緝如此之類未可枚舉又刪去羅紹威一首重改定徐楚金
朱遵度王樂道三首前後兩本後人必致聚訟自此本出建
霞所刊一本可置覆瓿矣

初四日午後檢得相緣同年校藏書紀事詩函稿卷一又增改
數字南都戚氏一首下補附傳一人補荆南田氏一首注
補黃魯直詩兩首

初八日張聞如來攜示重修徐昭法先生澗上草堂募款詞令
委婉文筆雋雅三日不見非復吳下阿蒙吾於張生亦云

十一日作朱竹石師輓聯 我本橫舍舊諸生長勸州門當年
獻賦受知曾上白麟奇木對 公如播舍留種子廣開津逮
他日遺經聞出庶有得邱瀨中翁

十二日午後為小劉師書集聯新語後神思迷惘苦不能屬僅
成短章三百餘字

十八日藏書紀事詩二三兩卷重編訖宋文憲一首下增入曾
侍郎魯為附傳從相緣同年之請也

廿七日藏書紀事詩二三兩卷校改訖頗有所增損文待詔高
寓公兩首皆重撰全書六卷已得其半寫刻可不至斷手

廿八日閱報章禮學館奏調七員充纂修官胡綏之首列並有
孫叔益王扞鄭顧問官紳二十五員唐蔚之志伯愚馮夢華
沈子培劉仲魯陳松珊鄭蘇龕汪子淵皆舊雨也叔彥康素

與下走亦在列俾獨殘年行將就木白虎諸儒之閑議安敢
濫字末席藏書紀事詩復校一過卷三刑王別駕一首又刑
陳良卿陸元厚一首即附王別駕之後移第六卷末

廿九日午後為劉姬寫扇老眼昏花作蠅頭楷可想其醜惡節
錄陳雲伯題董小宛象七古亦未免唐突西子

五月

初三日巳初下船過午抵棗市飯即放舟進閘門至花橋泊棧
被至皮墅見仲侯

初四日聞昨日進城之時正中丞易簪之時今夜寅刻大赦大
約忌端午日楚俗更甚午後先往喧見葡萄苦次者舒雁行
列知其多于矣

初六日星台晨來未見留一函洪洞董氏家刻十六冊董研樵

前輩其姑之夫也咸豐丙辰翰林出為甘涼道卒於官昌熾
通籍已不及見此次星台進京由京入晉省其表兄次干名
維城研翁之幼子屬以父書帶貽內聲調四譜十二卷規撫
山房詩初編八卷秋懷唱和詩一冊續一冊皆研翁自著高
密李氏孟詩評選一冊補遺一冊又梅經廬詩八卷則其同
邑王軒願齋所撰也

初十日訪芸巢披覽鄴架見顧宗泰所輯傳雲編亦吾鄉獻微
之一篋所未儲

十二日聞郎抄午帥調直督未到任以前那相署安波年文調
南洋未到任以前樊山方伯護

廿三日吳穎芝太守自羊城函來為沈子封學使寄貽全唐文
紀事一部共一百二十二卷三十二冊嘉興陳鴻墀範川所

撰已陵方氏刊又寄示康郡紀事留別詩欽江道中紀事詩
各四首又言義門家書百通得於都門多與其弟心友先生
名煌者欲與義門集同付刊屬撙輯心友軼事校藏書寫樣
朱遵度一首原豪據焦氏筆乘今無意中檢直齋書錄解題
作崔遵度未知弱侯何据增按語二十二字又杜鼎昇大舉
江刺舉誤作峰亦改正

六月

初一日得仲午函寄贈 東西陵日記各四分 西陵新刻
東陵新印昨重輯藏書詩後三卷先後粗已釐定惟張古餘
王穀塍張鞠園陳蘭鄰不得其甲科年分今日登後樓從破
麓中取國子監進士題名牌按圖索驥遂無遺憾問卷有益
豈可以點鬼簿而弁髦之

初四日重校藏書紀事詩寫目錄既畢始知卷六之末訂書胡
賢一首江刻有目而無詩此本流傳已久汪闡源誤次楊至
堂河帥之前後邵亭師能糾之此脫一首則未有發其覆者
也又以江南王別駕沙園張氏杭州張氏三首移附卷末無
年代之列

初五日以藏書原稿與江刻對讎重撰陳良卿陸元厚一首改
季滄葦張孟端各一首

十二日校藏書詩重作宋茗香金鄂嚴願抱沖三首宋詩四易
稿始躊躇滿志

十四日重作陳蘭鄰陳子準錢警石詩三首黃梁六一首改韵
十五日改定塘棲勞氏詩一首

十六日重作胡心耘童子鳴詩二首改定道士陳景元尹家書

籍鋪各一首

十七日藏書紀事詩編校畢共六卷不足廿萬言江刻亥豕尚不多但原編未定之稿次序凌躐先後移易頗費鉤稽開卷之初惟恐曠月經旬殺青無日乃當茲殿門避暑埋頭伏案一月工夫全書居然告藏非初願所及也以無時代可攷者四家一釋一道贈書換書買書工估共二十首又添寫官傳稚周慈一首另為一卷共七卷

十九日作五古一首

廿一日出藏書紀事詩又潤色之重作王越石一首

廿三日畢弁山中丞所刻經訓堂帖原石佚過半星台所藏尚是初拓完本前有中丞姪裕曾晚山編次一目次序不符亦有誤釋陽湖胡拭孟雲為星台作一跋判其誤未盡也為復

校一編又拈出如干條午後振筆書之共八紙即以代題詞
付星臺裝於後此本庶幾正定可傳

廿五日前見書肆登報有趙氏叢書求售攜叔刻乎靜庵刻乎
託子所到滬訪之今日解卿書來云仰視十七百二十九鶴
齋叢書也索價十六元

廿六日得佩鶴都門函謝語石並言孫師鄭吏部徵刻道咸同
光四朝詩以庚子拙案十餘首寫付之匪所願也

三十日亡友朱怡雲遺彙文三冊詩一冊其嗣子廉昉求為論
定置篋中一年矣端居稍暇今日出而閱之竟一冊駢文固
為崑門散文亦脩潔有體頗近朱仲環惟中多書院肄業之
作及槩悅文如壽序之類可不存

七月

初二日怡雲詩文集開竣共選文三十三首詩彙中有先哲畫象贊雖韵語亦文也移置樊惠渠頌後又其家人傳誌八首體作者之心不敢有所去取都凡四十二首擬編為兩卷詩一卷此外所棄多書院應課之作壽文亦幾及十首可別為外集付其家藏之刻則不必

初三日長元吳三邑侯照會一通遞到京師禮學館照會派顧問官此次奏准顧問官二十五員昌熾濫竽其一

十三日奴子從雜髮匠處攜來建昭雁足鐙拓本下有徐紫珊藏印楊龍石跋言此鐙自王述菴歸於孫氏一榭園得二百番餅誤為此拓值雙柏財迷可笑又同州褚聖教一冊拓亦不甚舊均還之昨今兩日得五言古詩二首詩雖新出於硯其味則嘗來已久

十六日作五古一首廿韵仲侯函來附到子沂滬上函代購趙
撫叔所刻仰視千七百二十九鶴齋叢書一部五集三十冊
首冊面葉撫叔題字兩行書估因此居奇原約十二元為斷
又增小洋八角此書銅井曾以一部見贈為建輟借去不歸
一瓶豈可輕付

十七日鄭堂札記五卷烏程周中孚著戴子高之外祖也兩日
讀畢又作五古一首

十八日又作五古一首先後得三首皆補三月中紀游之作如
鯁在喉屢欲一吐難得暇日今日始掬而出之

十九日讀遜翁隨筆山陰祁駿佳季超著忠敏公之介弟也明
人攷古之學皆難言深造然亦有一二條可采

廿四日叔朋鄧尉紀游詩一冊束閣忘懷已久今日從叢殘中

檢出為題七絕三首以當跋尾

廿七日午後銅井扶杖來言從柳漪園處得南皮騎箕之信昨
日事也漪園鄉居簡出與吾輩等尚未登報何從知之正深
疑訝奴子忽持報條至張廳丞於昨日病歿始知非都門之
張香翁迺漬上之張向翁也緝老精神惚恍於此可見然聞
郎鈔南皮果續假二十日病必增劇豈真巧相值邪

八月

初一日今晨起尚早而終日昏然如墮雲霧中筋弛脈懈氣短
神迷木犀開矣病必如期而至但未有如此次之甚耳即自
製一額一聯生輓額三字曰哀此梵聯上曰天之生是使下
曰離人而立於客問何以歇後答之曰此翁尚有後邪暑歎
即可稱歇後翁

初二日經幢輟業已歲餘昨日取出略整比大歷六年曹秀臻幢有經咒而無序先校一通畢

初六日得旭初函言龐銅堂銀台楊羊伯觀察沈頌唐翰編均作古聞之駭然同時三太史相攜俱去虞山不黯然無色邪初七日重作元遺山詩一首

十四日寫大歷六年曹秀臻經幢畢共三紙

廿五日昨見邸抄孫張兩相同日因病請開缺皆溫旨慰留孫賞假一月張不限期病痊即入直各賞人後二兩今日報紙忽登南皮病轉劇竟於廿一日亥刻騎箕而去海內學人令將安仰豈但國家失一元輔

九月

初三日午後寶應劉佛青太守來真空谷足音矣力疾出見各

談別後近況據云出京赴浙游鄧尉經此登岸尚有同游恩
恩解維而去留鼻烟四兩一瓶為贈亦贈以拙著語石一部
知吾山同年亦作古為黯然神傷久之

廿八日聽生自城歸致丁麗允訃駭絕感年遽逝據報廿六日
未刺歿不知其何病也

十月

十三日初暘方升銅井已達叔子來約今已登天平早餐畢勉
赴約已後主人至途以朔風勁峭披一裘瑟縮有寒意楓葉
經霜尚未彫謝且在極盛之後紅紫斑斕其淡者亦轉綠回
黃霜葉紅於二月花信古人之工於體物也既登兼山閣主
人引酒獨酌出兩肴噉一饅首果腹知其丰醺將攤飯也自
下坡至高義園收後尸山僧啟鑰而後入坐平臺半晌復登

山已三下鐘始偕出半途銅井又迂道訪客悵然獨歸

十四日讀邸鈔 孝欽顯皇后永遠奉安旬齋制府以行遷奠
禮時來與橫衛神道派人照相又在風水牆內以陵樹為電
竿為李國杰所劾 上諭照部議即行革職陳筱石制軍調
直督此間瑞中丞署鄂督

十六日午後張閣如來言敦煌又新開一石室唐宋寫經畫象
甚多為一法人以二百元捆載去可惜也俗吏邊氓安知愛
古今人思汪栗庵

廿二日聞壽州相國師薨於位

十一月

十九日燈下作藏書紀事詩解題一則以為陳列之介紹語石
有自序詳述作書之旨可無此贅疣

廿四日前兩日作陸韜庵誄升甫中丞之子蹈海以死者也閉門索句催租敗興今日始成四言若干韻銅井久不至日晡攜杖來以腰脚不支雇一輩以返泛泛中流船舻劣不容趾送之登舟躬為扶掖足縮縮不能舉見之惴慄

廿七日卧後地震時交子刻甫就枕忽聞有聲自北來屋瓦先鳴牕戶了烏門銀帳勾丁當繼響卧榻岌岌動搖劉姬自夢中驚起履地如巨浪扁舟惴惴無主約一杪鐘始漸定若再接再厲必有牆傾室摧者矣不佞自有知以來所遭四次以此次為最劇

十二月

十三日午後張閤如來攜贈鳴砂山石室秘錄一冊即敦煌之千佛山莫高窟也唐宋之間所藏經籍碑版釋氏經典文字

無所不有其精者大半為法人伯希和所得置巴黎圖書館
英人亦得其時零中國守土之吏熟視無睹鄙人行部至酒
泉雖未出嘉峪關相距不過千里已聞石室發見事亦得畫
象兩軸寫經五卷而竟不能罄其寶藏賴軒奉使之為何愧
疾不暇而敢責人哉

十四日急景彫年窮冬將盡乞米之書紛至沓來日落航歸悵
惴惟恐書至今日晚餐後謂可安枕矣忽從郵館遞到趙君
謐一函長篇訴苦並以家信見示乞貸百元度歲回金華世
寒乾為人齒冷不意垂死之年人竟視為郭氏銅山郭家金
穴亦足以自豪矣

十七日深昏有叩戶投函者心悸然以為乞米帖也亟視函而
署上海新垃圾橋北長康里張緘仍茫然不知其來歷發而

讀之則張菊生農部函也以從亡友蔣香生十印齋遺書中
得鄙人藏書紀事詩寫本涉園張氏一首即其先德世譜有
件開宗系一紙見示又以抄訪宋元舊藥及精鈔本付石印
引為同志見示簡章二紙可謂空谷足音矣非所料也

十九日寄仲午一紙提藏書卷四原豪重纂涉園一首以張鞠
生函示之作亡友朱怡雲廣文遺彙序前日即屬草乞未帖
甚於催租吏握管屢輟今晚始脫彙共八百餘字

廿五日各省代表呈都察院代奏早開國會奉 上諭仍遵

光帝九年之詔

廿九日夜伏臘家祭竹石師墓銘從甚荒塵上之際翠威而操
觥盤珠在左筆札在右今日始脫彙粗具首尾尚有待乎潤
色

除夕午後設影堂於內廳樓下視西書房為近朝夕瞻依上香
然燭亦易照料夜封井接窰明年第二庚戌矣馬齒徒增修
名不立年年度歲無如今年之索然寡懽也

女夫王立勛謹繕印

緣督廬日記抄卷十三

邑後學潘承厚謹校

錄督廬日記抄第十三冊校勘表

[illegible]